

祥符縣志



解符縣志卷之五

人物

古來稱人物者曰天下曰一代本徒以地靈人傑為詞小之乎言人物矣大梁自公子無忌而後名賢踵出或以道學或以勲業或以文章考而著之亦以見一邑有關於天下一代可垂于萬世也寧僅表聖旌門以云典型在茲哉作人物志

戰國

公子無忌魏昭王少子安釐王異母弟封信陵君仁而下士食客三千人嘗是時諸侯以公子賢而多客不敢加兵於魏秦昭王已破趙長平軍進兵圍邯鄲公子姊平原君夫人數遺魏王及公子書請救魏王畏秦使晉鄙將兵救趙令留軍壁鄴無忌用侯生計遂破秦軍救邯鄲因留于趙秦因公子在趙日夜東伐魏公子乃歸率五國之兵逐秦至函谷關不敢出秦王患之行關於安釐王王疑使人代無忌將無忌自知以毀廢乃謝病歸與賓客為長夜飲四歲卒侯嬴大梁人年七十家貧為夷門監者魏公子無忌欲厚遺之不肯受公子乃置酒大會賓客縱





車騎虛左自迎侯康侯康解衣冠直上載不  
讓欲以觀公子公子顏色愈和既至引康上坐  
康賓皆驚及秦國邯鄲急魏王不肯發公子欲  
馳赴秦軍與趙俱亡過侯康康授計公子竊晉  
鄲兵符救趙謂公子曰臣老矣不能從將公子  
行至晉鄲軍之日北鄉以自剄及公子至軍康  
果自剄

朱亥大梁人賢而隱於屠侯蘇薦之魏公子無忌  
公子無忌在車騎過之亥不復謝及公子竊晉  
鄲兵符救邯鄲蘇使朱亥從雜殺晉鄲公子遂

齊齊志人物 朱之五

將晉鄲軍破秦救趙公子使亥奉璧謝秦秦王  
怒置之虎園亥髮衝冠噴目視虎虎不敢動秦  
遂以禮遣之

唐睢魏人齊楚攻魏魏人求救於秦救兵不出睢  
年九十餘西說秦王曰魏萬乘之國也稱東藩  
於秦以秦之強足以爲與也今齊楚之兵已合  
魏邯大王不救魏急且割地而約齊楚王尚何  
效焉是亡一藩國而以強資二敵也秦王悟遂  
發兵赴魏齊楚聞之引兵去

朱亥魏人初惠施爲齊魏交令太子鳴往質於齊



王欲見之倉謂王曰何不稱病臣請說嬰子曰  
嬰十之年長矣今有疾公不如歸太子以德之  
不然公子在楚楚將內而立之是齊抱空質而  
行不義也嬰子許之

張儀為人學縱橫之術游說諸侯無所遇後入秦  
秦以為客卿因使說魏王曰秦之遇魏甚厚魏  
不可無禮於秦魏王是盡入上郡十五縣以謝  
儀因留相魏儀入魏先事秦以倡諸侯襄王不  
聽魏王在秦秦使儀復說襄王而請成於秦從  
約遂歸又說楚韓齊燕皆許之儀自燕歸報末  
社稷縣志人傳卷之五 三

秦

陳餘大梁人好儒術初與張耳為刎頸交及武臣  
立為趙王餘為大將軍耳為丞相後有隙解印  
綬與耳獨與麾下數百人之河上澤中漁獵及  
項羽王耳而以南皮旁三縣封餘餘怒以兵襲  
耳盡收趙地立為代王張耳之破井陘餘死派  
水上



張耳大梁人少爲魏公子無忌客官爲外黃令  
滅魏購耳千金耳與同邑陳餘變名姓爲陳豨  
與韓信游起二人往從之涉以爲左右校尉定  
趙地立武臣爲趙王後與餘有隙項羽入關立  
耳爲常山王餘以兵襲耳耳敗走歸漢漢遣耳  
與韓信擊破趙并陘殺陳餘追殺趙王歇遂立  
耳爲趙王卒謚曰景子敖嗣尚高帝魯元公主  
樂布梁人彭越微時嘗與布游及越爲梁王請布  
爲大夫越被誅詔有收視者輒捕之時布使子  
齊比還奏事越頭下祠而哭之高帝怒欲烹布

祥符縣志 人物 卷之五

四

布曰願乞一言而死帝曰何言布曰方上之國  
彭城敗滎陽成臯間項王所以不能遂西徒以  
彭王居滎地與漢合從苦楚也當是之時彭王  
一顧與楚則漢破與漢則楚攻且垓下之會微  
彭王項氏不亡天下已定彭王剖符受封亦欲  
傳之萬世今漢一徵兵於梁彭王病不能行而  
疑以爲反反形未見以苛細誅之臣恐功臣人  
人自危也今彭王已死臣生不如死請就烹帝  
釋之拜爲都尉吳楚反時以功封郾侯

中書嘉梁人以什官張從高帝擊項羽爲隊率



擊斬在軍爲都尉文帝封爲關內侯遷爲御史大夫張倉免相嘉代爲丞相嘉爲人廉直門不受私謁嘗入朝幸臣鄧通居帝旁有怠慢之禮嘉奏事畢因言曰陛下愛幸群臣則富貴之至於朝廷之禮不可以不肅罷朝爲檄召通數以不敬之罪欲斬之通頓首出血嘉弗爲禮帝遣使持節召通而謝丞相方釋去孝景時復相相二年卒謚曰節侯

梁孝王武漢孝文皇帝次子與景帝同母母竇太后孝文帝比四男子長孝景皇帝次武次參次祥符縣志人物卷之五

五

勝孝文帝卽位二年以武爲代王以參爲太原王以勝爲梁王後二歲徙代王爲淮陽王十年梁王勝卒明年徙淮陽王爲梁王梁王比年入朝二十二年孝文帝崩二十四年二十五年複入朝景帝尚未置太子與梁王燕飲從容言曰千秋萬歲後傳於王王辭謝迨七國反梁王城守睢陽使韓安國張羽等爲大將軍以拒吳楚吳楚以梁爲厭不敢過而西與太尉亞夫等相距迨吳楚破而梁亦破殺虜畧與漢中分梁與漢最親有功又爲大國居天下膏腴地四十餘



成孝王爲實太后少子愛之賞賜甚厚於是孝  
王築東苑三百餘里廣睢陽城七十里大治宮  
宇爲複道自宮連屬於平臺三十餘里得賜天  
子旌旗出從千乘萬騎出稱蹕入言警擬於天  
子招延四方豪傑齊人羊勝公孫詭鄒陽之屬  
皆至梁多作兵器府庫金錢百巨萬珠玉寶器  
多於京師孝王入朝景帝使使持節乘輿駟馬  
迎梁王於闕下旣朝因留以太后親故王入則  
侍景帝同輦出則同車游獵梁侍中謁者皆得  
引籍出入天子殿門上旣廢栗太子竇太后心  
祥符縣志 人物 卷之五 六

欲以孝王爲嗣大臣袁盎等有所關說於景帝  
太后議格梁孝王乃辭歸國怨袁盎及議臣陰  
使人刺殺袁盎及他議臣景帝意梁王逐賊累  
梁使之覆按梁公孫詭羊勝皆自殺梁王恐因  
長公主謝罪太后乃得釋梁王伏斧質闕下謝  
罪太后景帝大喜相泣復如故三十五年復朝  
歸國忽忽不樂六月病熱卒

丁寬字子襄梁人初梁項王從田何受易時寬爲  
項王從者讀易精敏材過項王遂事何學成東  
歸何謂門人曰易以東矣寬至洛陽復從周王



孫受古義號周氏傳作易說三萬言寬授同郡  
碭田王孫王孫授施讐孟喜梁丘賀繇是易有施  
孟梁丘之學

戴德字延君弟聖字次君梁人受禮於後倉德號  
大戴爲信都大傳聖號小戴以博士論石渠至  
九江太守由是禮有大小戴氏之學大戴授瑯  
邪徐良旂卿爲博士州牧郡守家世傳業小戴  
授梁人橋仁楊榮仁爲大鴻臚家世傳業榮爲  
瑯邪太守由是大戴有徐氏小戴有橋楊氏之  
學

鄭興字少贛開封人少學公羊春秋晚善左氏傳  
學者皆師之劉歆羨興才使選條例章句訓詁  
及校三統歷更始立興爲丞相長史令後歸隗  
囂建武中徵爲大中大夫三月晦日食興上疏  
極陳時政之弊多見採納以不善識不得任從  
吳漢擊公孫述述死留屯成都因侍御史論奏  
左遷蓮勺令尋以事免不復仕客闔鄉世言左  
氏者多祖興連辟不就卒於家子衆能傳父學  
鄭衆字仲師年十二從父受左氏春秋精力於學  
明三統歷作春秋難計條例兼通易詩知名于



世建武中皇帝太子遣使往聘辭不赴承平中  
明經舉爲給事中時匈奴求和顯宗遣衆持節  
以往衆至虜脇之不屈遂發使隨衆還京師後  
坐忤旨繫獄會赦免未幾起爲軍司馬使累官  
至大司農奉詔作春秋冊十九篇卒于官

一 邊韶字孝先浚儀人以文學知名教授數百人嘗  
晝日假臥弟子私嘲之曰邊孝先腹便便懶讀  
書但欲眠韶潛聞之應聲對曰邊爲姓孝爲字  
腹便便五經笥但欲眠思經事寐與周公通夢  
靜與孔子同意師而可嘲出何典記嘲者大慙  
桓帝時徵拜大中大夫累官尚書令

祥符縣志

人物

卷之五

八

鄭太字公業開封人少有才畧靈帝未舉孝廉累  
遷侍御史大將軍何進將誅閹宦欲召并州牧  
董卓爲助太諫不聽乃棄官去及卓作亂太與  
荀攸何顓共謀誅之事洩太走歸袁術術以爲  
揚州刺史未至官道卒

一 邊讓字文禮浚儀人少辯博能屬文作章華賦麗  
而正議郎蔡邕薦于將軍何進謂讓可大用屢  
遷九江太守初平中去官還家恃才氣不屈嘗  
操多輕侮之言卒被誅



鄧渾字文公太之弟漢末為下蔡長召陵令  
習剽輕不念產殖其生子率以不舉渾課使耕  
桑重去子之法民漸豐給所生男女率以鄭為  
字入魏累官魏郡太守有治蹟明帝下詔稱述  
布告天下遷將作大匠卒子崇官至郎中

魏

陳思王植字子建太祖子文帝同母弟十歲餘誦  
讀詩論及辭賦數十萬言善屬文鄴郡銅雀臺  
新成大祖召諸子登臺使各為賦植援筆立就  
太祖甚異之建安十六年封平原侯尋徙封臨  
潯縣志人物卷之五 九

植植既以才見異而丁儀丁廙楊修為之羽翼  
太祖狐疑幾為太子者數矣植任性縱飲不自  
彫勵文帝銜之以術矯情自飾官人左右并為  
之說遂定為嗣文帝即位命諸侯并就國黃初  
二年貶植為安鄉侯改封鄴城二年立為鄴城  
王四年徙封雍丘明帝太和元年改封浚儀三  
年徙還雍丘二年徙東阿六年加封陳王堯年  
四十一諡曰思

鄧中子文和清恬寬恕博通經史初仕魏為陳



太守累遷太保封壽光侯時定儀禮律令多未  
于冲入晉爲太傅進爵爲壽光公致仕卒贈太  
保謚曰成所著有論語集解

鄭表字林叔太之子少孤有識鑒荀攸見之曰鄭  
公業爲不亡矣仕魏累官濟陰太守表孝弟敬  
賢能興立庠序開誘後進調補大將軍從事中  
郎拜散騎常侍遷廣平太守以德化爲先郡中  
愛之擢光祿大夫封密陵伯武帝卽位進爵爲  
侯懇辭乃就第拜儀同三司卒謚曰元子六長  
默嗣次履舒詡稱子位並列卿

祥符縣志 人物 卷之五

鄭默字思元仕魏爲秘書郎累官司徒左長史入  
晉爲中庶子出爲東郡太守值歲荒饑默輒開  
倉賑給乃舍都亭自表待罪朝廷褒嘉之頒告  
天下官至光祿勳卒謚曰成子二曰球曰豫球  
以功封平壽公豫官至尚書

南北朝

鄭鮮之字道子渾之玄孫仕晉累遷御史中丞入  
宋遷太常都官尚書武帝北征以從征功封龍  
陽縣子後爲尚書僕射卒有文集行於世

鄭義字幼麟渾之八世孫仕元魏爲中書博士



與初陽武民田智度妖惑衆擾亂京索詔以  
義爲河南民望遣往慰諭義至宣示禍福旬日  
之間衆皆解散以功賜爵平昌男累拜安東將  
軍卒謚文靈子二懿道昭

鄭懿字景伯閑雅有政事才爲孝文所重累官給  
事黃門侍郎司徒左長史後爲齊州刺史好勸  
課善斷獄百姓思之卒贈兗州刺史謚曰穆

鄭道昭字僖伯少好學綜覽群言元魏文帝時累  
官國子祭酒司州都督道昭連上疏請興學校  
不報歷光青二州刺史復入爲秘書監卒謚文  
恭道昭好爲詩賦其在二州寬厚不任刑威爲  
吏民所愛子述祖

齊齊郡縣志 人物

卷之五

十一

鄭述祖字恭文少聰敏好屬文仕齊歷太子少保  
左光祿大夫儀同三司兗州刺史有惠政境無  
盜賊百姓歌之疾篤謂人曰吾老矣富貴已足  
以清白之名遺子孫死復何恨天統中卒贈開  
府中書監比豫州刺史謚平簡族子道邕

鄭道邕字孝穆幼謹厚以清約自居叔父四人并  
早卒道邕撫訓諸弟有如同生天統中累官岐  
州刺史所部久遭亂百姓散亡幾盡道邕勤撫



緞戶口增至四萬以績最徵拜京兆尹入周除  
丞相府右長史封金鄉縣男孝閔踐祚加驃騎  
大將軍開封儀同三司進爵爲子入爲少司空  
卒贈鄭梁北豫三州刺史謚曰貞子詒嗣累官  
開封儀同大將軍邵州刺史詡弟譯事隋文帝  
有翌戴功開皇初追贈道邕大將軍徐兗等六  
州刺史改謚曰文

鄭紹叔字仲明開封人少孤而貧以孝謹著名弱  
寇仕梁爲安豐令甚有聲武帝封東興縣侯所  
得祿賜悉歸兄室無一私藏累遷征虜司州刺  
史創立城隍繕兵積穀招納流民百姓安之徵  
爲左衛將軍卒贈散騎常侍謚曰忠子貞嗣

祥符縣志

人物

卷之五

十一

隋

鄭譯字正義道邕子有學識兼知鍾律初仕周爲  
內史上大夫封沛國公入隋以定策功拜上柱  
國嘗奉詔撰定律令及樂府聲調凡八篇奏之  
上加美焉遷岐州刺史歲餘復詔定樂於太常  
卒謚曰達追封莘公

唐

鄭元壽字德芳譯之子仕隋文成郡守入唐授大



常與時安厥處罪可汗冠於百詔元瑋往諭之  
會元瑋暴病死其下殺元瑋與妻遂囚之留數  
年及帝許可汗婚始得歸拜鴻臚卿後突厥復  
寇太原詔復遣元瑋持節往元五使絕域隨語  
折讓無所屈及還太宗賜書褒之卒贈幽州刺  
史諡曰簡

名奔元澄儀人父處仁仕隋為剡丞與同郡王孝  
逸繁同元靖君亮祖咸鄭師著李行簡盧諧皆  
有名稱為陳留人俊希元為洛州司法恭軍同  
章懷太子註范曄後漢書

齊書卷之五

一 吳兢後儀人貫知經史方重寡請以薦克史館修  
國史玄宗時累官諫議大夫封長沮縣男官至  
恒王傳初觀與劉子玄撰武后實錄叙張昌宗  
誘張說誣証張元忠事賴宋璟激勸切直元忠  
為死及說為相屢勸改之說曰狗公之請何為  
實錄卒不改世人以之畫狐

制曰字公明諱封人善騎射天寶末從張介然討  
安祿山授宋州牙門將擢左廂兵馬使時李希  
烈陷襄陽昌守寧陵希烈衆五萬攻之相拒凡  
四十餘日賊敗乃解去貞元中累遷運源節度



使封南川郡王在邊最久所至率士墾田而軍  
有羨食邊障安寧卒贈司空

朱忠亮字仁輔浚儀人初爲薛嵩裨將以功擢太  
子賓客朱泚之亂率麾下四十騎至奉天封東  
陽郡王憲宗立加御史大夫尋授涇原四鎮節  
度使涇俗多賣子忠亮相資贖還者前後數百  
吏白耄卒不任戰當罷亮曰老馬且不忍棄况  
戰士乎士皆感泣築潘原城有勞改封丹陽卒  
贈尚書右僕射謚曰靈

鄭權開封人初擢進士第佐涇原節度使劉昌府

科符縣志人物

卷之五

古

昌被病入朝度其軍必亂以權寬厚容衆檄主  
後務昌去軍果亂權明諭禍福殺首亂者一軍  
畏伏拜行軍司馬累遷金吾衛大將軍穆宗立  
以左散騎常侍持節使回鶻權持議明壯虜禮  
異之使還三遷工部尚書

五代

寇彥卿字俊臣身長八尺隆準方面聲如洪鍾工  
騎射好書史梁太祖曰寇彥卿實天爲我生之  
賜所乘馬一匹太祖畧鳳翔卿爲排陣使乘馬  
馳突陣前太祖曰真神將也及卽位拜感化軍



節度使

宋

石守信浚儀人仕周爲洪州防禦使人宋收歸德軍節度時李筠叛守信討平之加同平章事徙鎮鄆州兼親軍馬步都指揮使乾德初稱病解兵歸第太平興國中累進檢校太師封衛國公卒贈尚書令封威武郡王謚忠烈子保興保吉郭贄開封人乾德中進士累官叅知政事時曹彬爲彌德超所譖贄力辯其誣嘗對太宗曰臣受遇不次惟以愚直報上太宗曰愚直何益贄曰存符縣志人物

卷之五

十五

猶勝奸邪太宗稱善官至禮部尚書

和峴浚儀人晉宰相凝之子仕晉歷官著作郎入宋爲太常博士善音樂郊廟之禮多所更定太祖以雅樂聲高命峴講求均節之八音和暢上悅拜司勳員外郎太宗卽位擢京東轉運使

薛居正字子平浚儀人後唐時舉進士仕周爲刑部侍郎入宋累遷樞密直學士初平湖湘以居正知朗州會亡卒嘯聚爲盜監使疑城中僧千餘人皆其黨欲盡誅之居正計擒賊首汪端詰之僧皆不與賴以全活官至門下侍郎平章事



進司寇卒贈太尉中書令四丈惠子惟吉在至  
佐領軍衛大將軍

王侁字秘權浚儀人父朴周樞密使侁以蔭任太  
僕寺丞入宋爲閣門祇候太平興國中使靈州  
通遠軍還言王師所留牙兵與邊人交結頗桀  
黠難制帝因遣侁調內郡卒往代之戍者聞代  
多不願還侁斬以徇衆懼乃還侁數往來西邊  
輒奏便宜事帝皆納之官至均州團練使弟僕  
蘭門祇候偃太常博士

劉廷翰浚儀人仕周爲殿前指揮使宋初與平上  
并符縣志人物卷之五

黨維揚遷鉄騎都指揮使領廉州刺史太宗時  
命廷翰率兵屯真定契丹南侵廷翰大破之以  
功領大同軍節度後改大名尹天雄軍節度卒  
贈侍中

周審玉開封人父勳隰州團練使審玉以蔭補殿  
直雍熙中契丹入寇審玉爲監軍嘗與敵戰而  
先鋒劉緒陷賊審玉躍馬迺擊拔緒而還以勇  
敢聞淳化中知貝州有戍卒謀逆審玉悉擒誅  
之累遷千牛衛大將軍

盧斌開封人初以筆札事晉邸太宗卽位補殿直



出為事... 德... 志...

供... 官尋為... 州...

以... 軍... 冠... 累... 立... 奇... 功... 召... 拜... 授... 守... 備... 使...

郭... 載... 字... 成... 熙... 以... 蔭... 補... 右... 班... 殿... 直... 學... 士... 兼... 領... 兵... 馬... 監... 軍... 府... 事...

... 邊... 都... 巡... 檢... 使... 先... 是... 巡... 邊... 者... 多... 領... 兵... 馬... 以... 示... 威... 服...

... 戍... 人... 苦... 之... 載... 至... 悉... 滅... 去... 衆... 皆... 感... 悅... 改... 知... 成... 州... 府... 事...

受... 詔... 討... 李... 順... 寇... 平... 而... 卒... 蜀... 人... 惜... 之...

常... 恩... 德... 開... 封... 人... 仕... 周... 為... 神... 衛... 都... 虞... 候... 宋... 端... 拱... 初... 領...

... 溪... 州... 刺... 史... 李... 順... 作... 亂... 命... 恩... 德... 討... 之... 掩... 殺... 賊... 三... 千...

... 餘... 人... 與... 尹... 元... 裴... 莊... 等... 合... 師... 並... 進... 盡... 殲... 其... 黨... 川... 賊...

... 祥... 符... 縣... 志... 人... 物... 卷... 之... 五... 十七

... 賴... 以... 安... 靖... 以... 功... 授... 汝... 州... 刺... 史... 累... 遷... 左... 神... 武... 大... 將...

軍

... 尹... 舉... 倫... 殺... 儀... 人... 初... 補... 殿... 直... 權... 領... 虎... 捷... 指... 揮... 邊... 緣... 邊...

... 都... 巡... 檢... 使... 端... 拱... 中... 威... 武... 軍... 之... 糧... 帝... 遣... 李... 繼... 隆... 發...

... 兵... 護... 送... 輜... 重... 數... 千... 乘... 時... 焚... 舟... 將... 于... 越... 將... 擊... 之... 繼...

... 倫... 適... 領... 兵... 巡... 檢... 路... 與... 寇... 遇... 夜... 率... 衆... 以... 短... 兵... 躡... 其...

... 殺... 至... 徐... 河... 關... 擊... 殺... 其... 將... 衆... 遂... 潰... 卽... 引... 去... 自... 是... 不...

... 敢... 窺... 邊... 每... 關... 繼... 倫... 名... 則... 不... 知... 所... 指... 以... 功... 領... 長... 州...

... 刺... 史... 復... 官... 至... 靈... 慶... 兵... 馬... 副... 都... 署...

... 上... 官... 正... 字... 常... 清... 開... 封... 人... 淳... 化... 中... 為... 劍... 門... 都... 監... 李... 順...



作亂遣其黨攻劍門正奮厲士氣迎擊大破之  
斬馘殆盡遷劍州刺史累官平州防禦使致仕  
子粲仕至內殿崇班

和蒙字顯仁峴之弟太平興國初舉進士累遷光  
祿寺丞先是父凝嘗取古今史傳聽訟斷獄辯  
雪冤枉等事著爲疑獄集蒙因增益事類分爲  
三卷及所著文賦五十軸並上之召試中書太  
子中允累遷右正言與王旦同判吏部銓知制  
誥卒弟暉子琪俱大理評事

許均祥符人以應募征遼東補武騎十將累遷磁  
州團練使尋出知代州均有勇畧所至輒立戰  
功後卒子懷德

祥符縣志

人物

卷之五

十八

白守素開封人父廷訓博州刺史守素以蔭補東  
班承旨累遷鎮州鈐轄王繼忠陷契丹守素據  
橋有矢數百每發必中敵不敢近遂引去居邊  
歲久契丹畏之再遷南作坊使及卒帝甚惜之

上顯字德明開封人太宗居瀋嘗給事左右及卽  
位累遷樞密使加檢校太師出爲山南東道節  
度加鎮定高陽關三路都部署契丹入寇顯大  
破之身獲名王貴將十五人斬首二萬級再徙



知天雄軍卒贈中書令謚忠肅子希逸官至  
中丞直史館

劉謙字漢宗開封人少補衛士累遷環慶路總管  
兼知邠州謙雖未學而聽斷訟獄區處皆當理  
前守者多強市民物以歸厨傳謙獨無所擾邠  
人愛之官至象州防禦使卒贈永興軍節度觀  
察留後

馬知節字子元祥符人父全義爲龍捷左廂都校  
領江州防禦使知節以蔭補供奉官年十八監  
彰州兵以嚴見憚如老將累以戰功遷至樞密  
副使時王欽若爲樞密使知節薄其爲人每而  
詆之後除彰德軍留後卒贈侍中謚正惠

祥符縣志 人物 卷之五

九

李端懿字元伯鎮國軍節度使駙馬都尉贈尚書  
兼中書令謚和父李導最之子其母齊國獻穆  
太長公主太宗之女也端懿篤學博聞長而孝  
友喜爲詩工書畫于陰陽醫術星經地理無所  
不通歷供備庫使洛苑使新州刺史康懷二州  
團練使累遷鎮潼軍觀察留後知澶州卒于官  
贈忠武軍節度使兼侍中太常

蔚昭敏字仲明祥符人真宗時爲供奉官歷定



刺史爲鎮定高陽兩三路先鋒契丹入寇昭敏  
遠至莫州東三十里斬首萬餘級俘獲甚衆契  
丹委甲而去累遷保靜軍節度卒贈侍中

石保興字光裔初以蔭補供奉官真宗時累遷知  
威武軍夏人入寇保興發官帑錢數萬緡分給  
戰士主者固執不可保興不從及夏人退驛置  
以聞帝嘉之已而拜棣州防禦使累改知澶州  
石保吉字祐之初以蔭補天平軍衙內都指揮使  
尚延慶公主拜左衛將軍累遷武寧軍節度同  
平章事真宗幸澶淵命保吉與李繼隆爲駕前  
都排陣使時遼人數萬驟至城下保吉不介馬  
而馳當其鋒遼人遂退而請盟帝喜稱其功保  
吉歸功於繼隆繼隆亦讓之帝曰卿等協和共  
致太平朕復何憂改鎮安軍節度加檢校太師  
卒贈中書令謚莊武

王繼英祥符人初真宗在藩邸選爲導吏及卽位  
爲恩州刺史兼掌閣門使累遷樞密使加特進  
檢校太傅卒年六十有一上臨哭之賜金營塋  
贈太尉侍中謚恭懿

史方字正臣開封人初補三班奉職累官閣門祇



候天禧中澧州民訴下澧蠻侵其土地帝遣方  
往視方復地四百餘里得所掠五百餘人又捕  
降其黨李願同等甚衆累遷右侍禁天禧中蠻  
復作亂方討平之遷內殿承旨官至秦鳳路提  
轄

李繼宣浚儀人初爲貝州監軍咸平中以功累遷  
西上閣門使領康州刺史時契丹入寇繼宣率  
兵大戰敵敗走繼宣逐之馬中矢斃凡三易騎  
進至牟山谷大克之詔書褒獎加檢校官累遷  
至西京水南都巡檢使

祥符縣志

人物

卷之五

三

張煦字輔陽開封人雍熙中爲殿前承旨累以戰  
功遷益州都監夏人入寇改邠寧環慶路鈐轄  
兼巡檢安撫都監率衆深入賊中七百餘戰擊  
殺甚衆拜西上閣門使徙并代鈐轄以老求近  
郡得知磁州

許懷德字師古善騎射擊刺初爲東西班殿侍仁  
宗時爲鄜延路兵馬鈐轄會居承平若夏人來  
寇懷德以勁兵突圍破之追至靈州斬首二百  
級以功累遷保寧進雄二節度使卒贈侍中謚

榮簡



張耆字元弼開封人為人重密有智數真宗在東  
宮嘗命授論語左氏春秋及卽位除供奉官歷  
定州刺史會契丹圍望都耆與諸將從間道徑  
棧北至城已陷因與賊戰殺其梟將耆亦身被  
數鎗而還因請大舉討之不報景德中累遷樞  
密使封徐國公以太子太師致仕卒贈侍中謚  
榮禧

丁度字公雅祥符人真宗時爲大理評事遷翰林  
學士嘗上脩邊十策帝嘉納之慶曆中拜端明  
殿學士未幾擢樞密副使叅知政事轉尚書左  
丞卒贈吏部尚書謚文簡所著有慶曆兵錄瞻  
邊錄武經總要各若干卷

祥符縣志

人物

卷之五

三

何敏中字常之開封人舉進士爲將作監丞遷工  
部郎中百餘日超擢右諫議大夫同知樞密院  
事累官至僕射昭文館大學士卒贈太尉中書  
令謚文簡五子諸婿並遷官親校敏中居大任  
三十年時以重德目之甚爲人主所優禮有文

### 集十五卷

馬懷德字德之祥符人初補三班奉職仁宗時積  
官靜難軍節度使後累立戰功斬獲動以萬數



嘗爲流矢中其頸鏃入骨以琴弦繫鏃發機而出之

段少連字希逸開封人舉服勤詞學科授秘書省校書郎累遷殿中侍御史與孔道輔等伏閣言郭后不當廢少連坐贖復兩上疏辯道輔無罪及請復中宮位號皆不報歷天章閣待制知歷州元昊反范仲淹薦少連堪任將帥遷龍圖閣學士知涇州改知渭州命未至而卒

范恪字許國開封人驍勇善射仁宗時以戰功累遷永興路副總管恪有弓勝一石七斗其箭鏃

祥符縣志

人物

卷之五

三十三

如鐻名曰鐻弓嘗會兵取蕉蒿砦歸恪獨殿爲數千騎所襲恪視服止有二鐻卽爲引滿之勢賊遽却後累遷永興軍路副都總管卒贈昭化軍節度使

趙滋字子深開封人父士隆天聖中爲邠寧環慶路都監死于戰滋果敢任氣有知畧以韓琦薦累遷閣門祗候出知雄州時契丹遣大舟十餘入海口運鹽滋戒巡兵舟至輒捕殺其人契丹憚之仕至嘉州團練使

劉美字實臣祥符人善騎射仁宗時爲襄州兵



類以完累遷郎廷路兵馬都監知龍竿城會夏  
人寇邊衆號數萬兼濟將兵千餘大破於黑松  
林屬戶明珠族叛兼濟又平之歷官至西上副  
門使  
郭楨字仲徵舉進士歷刑部員外郎同修起居注  
康定初使契丹厚禮之與同獵延楨射楨一發  
中走兔衆皆愕視還擢龍圖閣直學士權知開  
封府卒楨性和易文思敏贍尤刻意于賦聚古  
書畫不計其資購求之

張希一字簡翁者之子仁宗時以父蔭拜引進使  
累遷真定路總管嘗使遼遼人詰以雄州不當  
禁鹽界河及後白溝兩屬民希一曰界河之禁  
起於大國統和年今文移尚存白溝本輸中國  
田租我太宗特除之自是大國侵矣故名兩屬  
惡有中國不後之理遼人詞遂塞官至均州防  
禦使

張利一字和叔希一之弟以蔭補供奉官仁宗時  
累遷嘉州團練使遼人剽兩屬民爲兵民不堪  
其苦利一緩練之其大姓舉族南徙募而來者



無虛日利一皆發康賑卹且移詰涿州逐人  
是不敢復刺改雄州團練使

張洞字仲通父惟簡太常少卿洞幼開悟誦書幾  
千言爲文甚敏仁宗時以布衣上方畧尋舉進  
士調漣州判官再調潁州推官爲歐陽修所重  
薦充秘閣校理在館久數有建明帝以爲知經  
因書飛白善經字賜之官終于工部郎中

鞠詠字詠之開封人父勵廣南轉運使詠舉進士  
試秘書省校書郎知山陰縣仁宗卽位以太常  
博士召爲監察御史錢惟演圖入相詠奏罷之

祥符縣志 人物 卷之五

三五

王欽若忌詠出通判信州徙邵州及欽若卒詠  
入爲殿中侍御史官終天章閣待制

張忠字聖昆開封人慷慨不事生產初隸禁軍拜  
指揮使仁宗時累官澶州總管會河決商胡詔  
留戍滿卒以勦提後衆不悅將劫庫兵爲亂忠  
潛捕倡謀者數人斬以徇乃止

張汝圖封人初補三班奉職英宗時遷真定路兵  
馬鈐轄時契丹欲背盟富弼任使命汝爲副議  
論雖出弼汝亦安重習事以勞遷西上閣門使  
知耀州累官率遠軍節度使卒贈太尉謚勤惠



孫字道濟祥符人舉進士累官江淮發運使嘗  
與副使皮公弼不協比公弼被劾拯力爲辯理  
諫官錢公輔嘗論拯短公輔黨多在拯部內往  
往薦進之或譏以德報怨拯曰同僚不協所見  
異也諫官所言職也又何怨乎時論服其長者  
馬從先字子野祥符人少力學父當任子推以與  
弟舉進士累官太常卿知宿州會大水從先發  
廩以賑流亡全活者數十萬改知壽州以老辭  
英宗諭曰聞卿治行籍甚壽尤重于宿姑爲朕  
往旣至治如曩時後以工部侍郎致仕

祥符縣志

人物

卷之五

二十六

楊燧開封人善騎射從征貝州穴城以入賊平功  
爲第一補神龍衛指揮使累官寧遠軍節度使  
卒贈侍中謚莊敏

燕達字逢辰開封人善騎射以材武隸禁籍授內  
殿崇班神宗時爲延州巡檢戍懷寧砦夏人二  
萬騎薄城達所部止五百人躍馬奮擊所向披  
靡又嘗帥兵深入敵境九戰皆勝累官武康軍  
節度使卒謚毅敏

呂誨字獻可開封人祖端仕太宗真宗爲時名相  
誨舉進士累官御史中丞王安石初拜參政誨



上言安石初無遠畧好執偏見文言飾非  
改作天下必受其禍出知鄧州謗三居言責  
以彈奏大臣而去一時推其鯁直及安石  
法司馬光始服其先見居洛病困日已  
光在見之乃張口曰天下事尚可爲君  
卒詔贈通議大夫以其子由庚爲太常寺  
孫路字正甫開封人舉進士爲司農元豐  
爲御史言不合新法左遷主簿出判蘭州  
入寇以捍禦功遷禮部員外郎元始初司  
將棄河隍以路在邊久召問之路挾輿地  
圖示

祥符縣志 人物 卷之五

二十七

光力陳其不可狀乃止歷官兵部尚書龍圖閣  
學士知河中府

賀鑄字方回元祐中通判泗州藏書萬卷長于樂  
府有慶湖遺老集

劉舜卿字希元開封人父鈞監鎮戎兵馬與子堯  
卿俱戰死錄舜卿爲供奉官歷昌州學洎都監  
諭降瀘水蠻八百人改秦鳳鈴轄教有功元祐  
初進高州刺史知熙州時夏人連河羗鬼章先  
城洮州將大舉入寇舜卿乘其未  
一鼓克之俘鬼章并首領九人斬其教子遷徐



州觀察使卒贈奉國軍節度使謚毅敏

賈益字民瞻開封人善騎射哲宗時累遷莊宅副

使慶州路都監會夏兵數萬騎圍麟州神堂砦

甚急召以數百騎往援一矢殲其首衆駭潰帝

嘉嘆賜以袍帶官終濠州團練使卒贈雄州防

禦使

張近字幾仲開封人舉進士累官大理正發運使

呂惠卿以不法聞近受詔鞫治哲宗論之曰此

出朕命卿勿畏惠卿對曰法之所在雖陛下不

能使臣輕重何畏惠卿也卒正其罪官至顯謨

祥符縣志 人物

卷之五

二十八

閣待制直學士徙知太原府

王息字澤之以善射入羽林神宗偉其貌補供備

庫副使靖國初累擢衛州防禦使徙知渭州括

隱地三萬餘頃分弓箭士耕屯為三十一部以

省餽餉拜武信軍節度使以檢校司徒致仕卒贈

開府儀同三司

鄭居中字達夫開封人舉進士擢禮部員外郎政

和字輝樞密院加少師累封崇寧燕三國公會

蔡京王攻契丹之議居中曰使百萬生靈肝腦

塗地公實為之山是議寢卒贈太師華原郡王



諸文正

路昌衡字持正祥符人舉進士累官直學士知成  
都爲政尚嚴徽宗立上書言西方用兵致興大  
役利源害政後臣蔽主四者皆陰之過惑後落  
職入黨籍卒贈龍圖閣直學士

趙通開封人徽宗時累官梓州路轉運使政和中  
晏州夷酋卜漏反詔以通爲瀘南招討使征之  
山險難進通乃捕獐數十束麻灌膏縛于獐背  
夜遣人及賊柵乃燃炬獐熱狂跳廬舍火發賊  
號呼奔散官軍鼓噪攻之赴火墮崖死者不可  
勝紀斬俘數千人晏夷遂平加通龍圖閣直學  
士後遷兵部尚書

祥符縣志

人物

卷之五

二十九

胡閔休字良弼開封人靖康初應知兵科中優等  
補承信郎二帝詣金營閔休欲結士劫之爲何  
鼎所止南渡後從岳飛討賊湖湘以誅鍾子儀  
功進成忠郎飛被誣死閔休杜門稱疾十年卒  
有勤王忠義集藏于家

張克公開封人舉進士官至吏部尚書嘗論蔡京  
罪京銜之欲以銓綜稽違中克公旣又擿其知  
貢舉事帝以爲所取得人不問卒贈資政殿學



士

李璆字西美汴人舉進士爲國子博士出知房州  
時權茶貧民無所出被繫者數百人璆至悉釋  
之累遷四川安撫制置使成都舊城多毀璆至  
首命修築俄大水至民賴以安三江有堰可以  
下灌田百萬頃久廢弗治璆率部刺史合力修  
復眉人感其惠立祠繪像于堰所著清溪集二  
十卷

邢煥字文仲開封人以父任調汜水縣主簿累遷  
都承旨屢奏馬仲宗澤可任黃潛善汪伯彥誤  
科符縣志 人物 卷之五 三

國擢保靜軍承宣使紹興初入對首陳川陝形  
勢利害請幸荆南分兵以圖恢復凡數百言帝  
甚嘉之進慶遠軍節度使卒謚恭簡追封嘉國  
公

韓公裔字子辰開封人以三館吏補官充康王府  
知客金兵犯京王出使以公裔從及次磁州王  
與公裔夜由間道南行至磁相人無知者自是  
愈見親信累官岳陽軍節度使蚤著忠蓋爲黃  
潛善秦檜所抑卒贈太尉謚恭簡



田濬字榮甫開封人至元初由汴梁路總管府知  
事入拜監察御史累官浙西廉訪使辯理冤獄  
人稱神明官至陝西行中書省叅知政事時陝  
西三年不雨滋禱於西嶽果大雨開倉捐麥五  
千餘石賑貧者百姓大悅卒於官追封開封郡  
公謚莊肅

楊敬直字義方澤之子以儒術見世祖累有文武  
功歷官至江西叅政遷兩淮道宣尉使壽八十  
七卒贈中書叅政弘農郡公謚曰忠肅

劉好禮字敬之祥符人父仲澤金大理評事好禮  
祥符縣志 人物 卷之五

三十一

幼有大志知讀書通國言至元初以薦召見言  
多稱旨遷益蘭等五部斷事官益蘭民俗不知  
陶冶水無舟航好禮請工匠於朝以教其民民  
咸便之或言權塩酒可以作經費好禮曰朝廷  
設官要荒務以綏遠寧欲奪其利耶言者慚服  
歷遷澧州路總管刑禮戶部尚書

張頴字約中汴人元統初舉進士爲高郵縣尹性  
剛介門無私謁抑豪強辯冤獄人稱爲神明拜  
監察御史累上疏言禍亂之由及論大臣不職  
皆不報頴卽辭官去居河中安邑山谷間累歲



不起

歸陽字彥溫汴人學無師傳而精敏過人舉進士授潁州同知時杞縣人范孟謀不軌詐爲詔使召官屬署而用之使陽北守黃河口陽力拒不從賊怒繫于獄陽無懼色及賊敗從賊者皆獲罪獨陽免拜國子博士累遷刑部尚書集賢學士兼國子祭酒

明

周憲王朱有燬定王子也少有志性負才曩甚博學工詩古文辭旁通繪事而楷篆尤冠絕一時

祥符縣志

人物

卷之五

三

所臨摹晉唐諸名賢法書妙入山陰父子堂與問世稱爲東書堂帖人多珍藏之建文時裁削諸藩以父被讒莫能自白遂上書引爲已罪得從末減安置臨安成祖登極詔王復國親製純孝歌賜之所著有誠齊集樂府家訓杜井譜諸書正統四年薨謚曰憲蓋王小心翼翼奉落佳謹故始終不失其令名云

滕克恭字安卿祥符人元至正壬午舉進士累官集賢館學士元末兵起避地錢塘明初復歸祥符洪武辛亥甲子南歸河南鄉試皆稱得八



百餘歲所著有春秋要旨議齋稿若干卷

安然祥符人元末為山東行省左丞守萊州率衆  
歸附洪武元年授起居注轉給事中擢山東行  
省參政尋召入為工部尚書復除河南行省參  
政蔡河壅塞漕運不通然督工疏導不逾月而  
成功八年黃河決鬪封大黃寺隄百餘丈然集  
丁夫三萬塞之累官至御史中丞坐事免歸復  
召為四輔官論事賜坐多所裨益十四年卒  
王勿學字行可元丙午科進士洪武初舉賢良三  
年設學校為開府學訓導以疾辭十五年復為  
訓導終于家

祥符縣志 人物 卷之五

張玉字世美祥符人以元樞密知院來歸明祖禮  
遇甚厚玉感奮思効累以功授燕山左護衛指  
揮遷都指揮同知文皇起兵靖難首用玉策北  
平九門三日悉定玉攻薊州諸縣下之長興侯  
耿炳文率兵二十萬屯真定玉往覘之還言軍  
無紀律乘其未備一鼓可破上用其言炳文遂  
大敗李景隆以兵駐河南玉從上追之進兵攻  
象目上被圍突出玉不知上所在復入陣大戰  
三日百人玉亦被創而後上聞哭之勸及即祚



追封玉榮國公謚忠顯昭皇嗣位加封河間王  
改謚忠武配享文皇廟子輔

王俱字幼度祥符人仕元爲國子助教洪武初徵  
爲翰林修撰與典試又命於大本堂授諸王經  
尋遷待制同宋濂修輯洪武正韻昭鑒錄諸書  
上憫其老賜致仕後以子弘爲龍江通運忤丞  
相胡惟庸寘於法惟庸敗上召俱至京慰勞甚  
至賜綺帛給舟車送歸以壽終

范濟字汝舟至正甲午科進士閑居不仕洪武四  
年以儒士起用除授江西廣信府知府吏民懷

祥符縣志 人物 卷之五

三四

服

張喬字希賢祥符人洪武初舉明經爲榮澤縣訓  
導遷秦府長史卒于宦所著有學庸句解二卷  
子遂能世其家學以鄉舉仕至浙江鹽運使撰  
祥符人物志四卷

蘭植字業芳祥符人該博經史尤精於易能詩文  
洪武辛亥舉進士歸里十四年禮部尚書任昂  
以博學弘辭薦任吏部員外郎

李延中字伯庸洪武初舉茂才授湖廣叅政以器  
行擢廣西右布政使以疾卒于官



趙孫字雲翰祥符人元末兵亂孫在穢穢父某  
之匿林莽間卒遇虎置於地虎熟視而去及長  
多才善屬文洪武中膺鄉薦授兵部主事命覈  
天下兵馬諸路志戍悉當上意陞員外郎尋陞  
浙江右叅政文台主嗣位遣使交趾卻其餽問還  
歷陞刑工禮三部侍郎未幾陞禮部尚書賜晏  
于華蓋殿并徵御筵饌羞遺其母以榮之仁孝  
皇后崩上命孫相山陵得昌平之黃土山上稱  
善封爲天壽山賜孫文鑑寶綺復命督開隆慶  
保安永寧諸郡縣撫輯有方新集之民悉安其  
業

祥符縣志

人物

卷之五

三五

業陞兵部丁母憂去起復專理塞外兵政上北  
征孫轉饋餉不絕昭皇嗣位再改刑部宣德開  
請老卒于家所著有僉父集

王鐸祥符人洪武中貢士授陝西鳳翔縣教諭訓  
士有功陞福州府學教授復以績最擢刑科給  
事中未幾遷出州按察司副使

王觀字尚賓祥符人洪武初以鄉舉人太學授蘇  
州府知府政嚴民畏姦吏錢英累構陷長吏觀  
慮得之縛至庭下立捶殺之百姓稱快事聞高  
帝遣行人白恐中齋勅衆之勞以羊酒歲復民



運無所從債乃延郡中富室集郡衙飲食之  
各量出貲以代貧者之逋衆皆如指逋乃完  
廷嘉其能榜諭天下以勵怠政者今祠於縣  
稱名宦

宋文字彥周祥符人隱居學行著聞洪武中河南  
叅政鄭居貞以隱士薦送京師授山西按察司  
副使以廉能著稱風紀肅然

劉醇字文中祥符人善屬文元末隱居不仕洪武  
中以薦爲原武縣訓導尋棄官歸周王延爲世  
子師會右長史缺王請於朝以醇爲右長史數  
進規諷王重之後以疾致仕所著有菊莊集若  
干卷

李偉字彥奇人品魁偉時初立邑庠爲邑諸生洪  
武二十六年以事赴京除直隸鳳陽府臨淮縣  
知縣秩滿陞鴻臚寺少卿陞木寺卿

文郁字向彬初爲邑諸生以才行見稱洪武二十  
六年以事赴京後除松江府華亭縣丞遷山西  
平陽府蒲縣知縣秩滿陞山東道御史復陞工  
科都給事中

張輔字文淵弱冠從文皇靖難以功封信安伯



新城侯永樂三年安南黎季犛殺其君日焜而  
篡立上命成國公朱能爲大將軍輔爲右副將  
軍往討之師次龍州大將軍薨上卽命輔統其  
軍輔傲數季犛二十罪一鼓平之擒季犛定安  
南爲郡縣還論功封英國公未幾季犛餘孽簡  
定及陳季擴相繼作亂兩命輔征之皆擒賊以  
歸上以交人新附卽以輔往鎮其地十四年冬  
召還二十二年從上北征上大漸輔受遺命統  
諸軍務昭皇卽位進輔太師正統間扈從北伐  
死于土木之難追封定興王謚忠烈弟輒以南

祥符縣志

人物

卷之五

三七

征有功累遷右都督進封太平侯卒贈裕國公  
謚忠襄

張信字彥實祥符人輔從兄也洪武己卯舉鄉試

第一永樂初拜禮科給事中轉刑科都給事中  
封駿糾彈無所顧忌擢工部右侍郎會河決壞  
民田廬上遣信往視信疏故道以殺水勢河患  
遂除已而浙江守臣奏江塘湖決復命信往治  
數月事襄尋轉兵部左侍郎尋以輔故改錦衣  
衛指揮同知累遷四川都指揮使居蜀十五年  
名振遠矣曰姓張之



郭良字景直性重厚謹恪初爲諸生永樂四年出  
橫書入國子監復任工科給事中永樂十五年  
陞江西按察司副使

高舉字雲翰少補郡諸生其父選爲勇士戍邊舉  
節棄學代父往永樂戊戌舉進士授兵科給事  
中慷慨敢言坐是不合于時解官歸其居不蔽  
風日惡衣菲食弗厭巡撫于謙過其廬卽止避  
道年九十卒

燕璟字士英祥符人三宗癸卯鄉舉宣德元年授

鴻臚寺序班正統初爲刑部尚書魏源知其才薦

祥符縣志 人物 卷之五

三八

之授乾州知州下車首興學校作士類會旱璟  
禱雨卽雨無何以喜歸起復補知滁州均其賦  
役民得休息偶飛蝗入境璟禱于城隍坎地以  
待蝗悉自投坎中以死尋以考績入京值土木  
之變選授監察御史奉勅守永平募壯士日夜  
訓練京東倚以爲重迺退遷兩淮益運同知致  
仕卒于家孫漢正德中膺鄉薦爲臨邑知縣居  
官廉潔吏民懷之清舉正德己卯鄉試第一

劉安字元靜舉永樂癸卯鄉試宣德庚戌授山東  
金嶺縣學訓導以訓士有功陞山東道御史巡



按南北京畿除陝西地察司副使應詔陳時務

三策其八廟可其奏尋卒歸卒年九十餘

祝進字孟昭祥符人奉官一德癸丑進士授戶部主

事正統戊辰從征福一叛寇鄧茂七有功陞僉

都御史巡撫保定未幾卒於官

王宇字仰宏祥符人正統戊午舉河南南鄉試第一

明年舉進士授南京戶部主事九年秩滿陞江

西撫州府知府性清介峻潔以風節自勵金谿

令劉綬以虛聞宇白法司黜之黃山有虎為患

宇為文告神虎即引去群盜聚劫宇曰此良民

祥符縣志 人物 卷之五

也為飢寒迫耳發令賑之民皆感泣以治行第

一擢山東右布政使進右副都御史巡撫宣大

石亨石彪怙寵驕肆上疏劾之及亨敗朝廷

嘉其忠並改大理寺卒于官

鄭寧字志道祥符人正統壬戌進士授刑部主事

歷員外郎中操持情取人不敢干以私居刑部

十六年以才望擢四川右布政使擒滅劇盜趙

輝朝廷賜彩幣二襲戶十戶妖言倡亂逃匿山

輝寧單騎往諭以禍相乃就縛尋以征石和尚

之賜累官至都察院都御



其後數年引疾乞骸骨三疏而後獲  
令還里囊無餘貲朝夕嘗不給詔有司歲給食  
米四石終其身

張遂字文吉正統甲子鄉舉景泰辛未授戶部主  
事會別立東官受白金彩幣會計錢賦考最勅  
遷承德郎特命督糧儲稱職尋陞郎中奉勅總  
督宣大糧儲協贊邊務後轉浙江鹽運使疏滌  
蠹弊離政以明卒於官年八十所著祥符人物  
總志考貽後錄若干卷

王廷字仕儀正統甲子鄉舉第一卒業太學縉紳  
祥符縣志人物卷之五

四

惜其才知和曲州迎親就養上疏編戶以姓及  
止貢馬立學墾田課種桑東夷俗丕變改易州  
易州地控京師飭理得體人稱保障成化元年  
充會試彌封官晉南京宗人府經歷進階賜四  
品服卒于官子邦用禮記魁省試孫夢旭壬午  
解元曾孫質舉人世家科目

王豫字用誠祥符人景泰甲戌進士授禮科給事  
中立朝審諤數上封事皆棄其草未詔使安南  
豫謂蠻夷素悍先諭之以禮既格服然後入事  
遂入禮部



山節制均裹軍民多善政秩滿嘗還百姓上疏懇留詔從之加三品祿未幾致仕歸囊橐蕭然子緯成化丁未進士授工部主事累官至山西叅議勤敏雅飭有父風

和維字振綱其先祥符人後徙居陵川至維復遷祥符舉景泰辛未進士授刑部主事五年遷浙江僉事天順初英廟慎簡藩臬大吏得維等十四人召至便殿賜宴人各寶鏤千貫面諭遣之維至浙首發藩臬吏不法狀列疏以聞得旨坐諸不法者若而人姜魯者浙之機戶也浙有販

祥符縣志

人物

卷之五

四十一

絲民被劫亡其刀魯誣坐而無左驗維召販者問之云絲囊有印識維密遣邏者至旁邑獲焉一訊具服并得所亡刀爲僉事八年竟以忤權貴免歸著書飲酒又三十年卒

岳璿字文幾幼以穎敏稱景泰庚午舉於鄉辛未登進士授山西道監察御史天順元年英廟管天下賢廉璿以才望擢湖州府知府九年民懷其惠成化中遷階中憲大夫擢叅政尋擢僉都御史卒所著有仕優小藁

呂益字伯謙祥符人景泰甲戌進士授陝西道監



察御史書直執法不畏權貴昌平侯楊俊以穢跡被劾石亨姪瑁大同都指揮廖傑恣橫不法事聞益先後鞫問各抵於法官至陝西按察司會事竟以亢直任事被廢居家三十餘年杜門謝交以貧自安無所營於世自鄉飲外足跡未嘗一至公府卒年八十

李璵字廷瑞祥符人景泰甲戌進士授戶部廣西司主事璵操履廉介權濟寧舟楫羨銀數萬兩盡輸之官遷四川司員外郎奉命覈察畿內郡縣府藏盡得其漁侵虛耗之狀劾罷黜者十

祥符縣志

人物

卷之五

聖

餘人偶墜馬傷足弗便朝叅主爵者念其守官清苦擢長蘆鹽運使欲其循故例稍自腴璵嚴立條格錙銖無所取其俸祿分與閭里親族以贖貧乏迄致仕筭無長物惟故人贈赤壁圖一幅故田廬弗益尺寸饘粥嘗不給課童蒙爲業宜人王日夜績不輟家居二十年以壽終

傅皓字孔暘景泰甲子鄉試第二名成化時授順天府通州同知寬厚平易甚得民心州民伏闕保留轉本州知州嚴裁省之法權貴不敢干以私任十二年加朝列大夫俸級改知濟寧州節



愛亦如治通州時以老請歸壽終

袁江字自岷中天順壬午鄉試癸未登進士授戶部主事出督糧儲嚴慎中貴無敢犯丁毋憂居家不入城市以廉介遷塩運使課法謹嚴客商稱善僚案有私者輒勸戒之却金理餉益殫清修大司徒題奏旌揚以風勵天下尋卒于官

王繼字述之祥符人成化丙戌進士授監察御史出按山西不避豪貴累遷山西按察使時中貴奉命採石膽于紫碧山求之弗得甚爲民患繼令給取小石子給之中官怒石膽古書所載何

祥符縣志

人物

卷之五

聖三

以爲無繼曰麟鳳亦載古書今有之乎事遂寢尋以山西右布政拜右副都御史巡撫陝西哈密忠順王爲土魯番所滅據其土地繼訓士練兵以威振之上魯番欬服立忠順王後上賜白金文綺擢戶部侍郎進尚書中貴李廣以左道見寵任權傾中外大臣多賄結之及廣事敗言官請并治大臣與廣交通者上宥不問明日早朝大臣空班謝罪惟繼與馬文昇不與上益重之改南京刑部尋改兵部叅贊機務卒於官贈太子少保



杜明字文昭祥符人成化戊戌進士授禮科給事  
中奉命察陝西甘肅洮河岷州等處邊儲明覈  
舉蠹弊黜有罪者若干人風采肅然累遷右通  
政卒于官子昌字世昌正德戊辰進士授監察  
御史按山西督率將士擒流賊有功特勅移檄  
澤潞撫輯殘破之民尋以太恭人訃至驚慟感  
疾卒

楊璉字用章祥符人成化乙未進士授丹徒縣知  
縣有清操擢監察御史會科道以言事忤旨憲  
廟甚怒璉曰諫官朝廷耳目若以盡職獲譴誰  
敢復言上爲之霽威都御史秦紘奏安遠侯柳

祥符縣志人物

卷之五

四

景不法勘得實詔景免死紘致仕璉疏奏景罪  
既明紘不宜擯棄上從之起紘爲戶部尚書璉  
直聲益著仕終山東按察司僉事所著有弦齋  
稿

康厚字本淳成化甲午舉於鄉戊戌舉進士知丹  
陽縣有聲擢廣東道監察御史巡按江西直隸  
監督軍儲商稅所至肅然乙卯監應天鄉試遷  
溫州府知府改知順德值飢發賑全活甚衆總  
督吳公漢曰古循吏也禮幣旌焉條陳八事嘉



...之用之累著治績癸亥引疾致仕進階正議大夫

夫

李環字佩德祥符人舉成化丁酉鄉試選廣平府推官丁憂起補延平府推官會守缺環署延平沙縣民胡天秀殺人亡命因爲亂環募壯丁捕獲之餘弗問境內悉平九載遷青州府通判督賑儲山東盜起歲凶民無所輸租環以帑金代抵糧額約民豐稔補債事聞嘉之詔免民償金以老請歸卒於家著訓蒙三字經傳于世子士允工古文辭正德丁丑進士仕至陝西苑馬寺

祥符縣志 人物 卷之五

聖

卿

李夢陽字獻吉其先扶溝人國初徙居慶陽父爲封丘王教授遂家祥符母高氏夢日入懷寤而生故名十八舉陝西鄉試第一明年爲弘治癸丑舉進士授戶部主事金元以來文裝靡靡之音夢陽與何景明徐昌穀王九思邊貢倡爲古文辭斷自秦漢六朝以下無觀焉海內翕然宗之尋轉員外郎時外戚壽寧侯張延齡怙寵驕縱人莫敢問會詔直言夢陽上封事縷縷數千言陳二病三害六漸劾壽寧侯請不法語稍



及中官昭聖大怒有旨下夢陽詔獄尋釋之止  
奪俸三月孝廟深知夢陽忠誠大學士謝遷復  
爲上言之與上意合故得保全正德初劉瑾等  
用事蠹政戶部尚書韓文等具疏劾之夢陽代  
爲具疏進知疏出夢陽矯旨奪其官籍爲黨人  
復羅織他事逮下詔獄內弟左國玉從夢陽至  
京上書康修撰海力救得釋歸瑾誅起江西提  
學副使夢陽伉直負氣寮友惡其侵官江御史  
會按江西與夢陽不相協夢陽疏其事江亦論  
劾夢陽忌者咸欲重傷之賴少傅楊一清大司  
寇林俊力救從未赦免歸大梁累薦竟弗起以  
病卒所著有賦頌樂府古詩三十六卷書疏御  
志記序雜文二十七卷空同子八篇行於世子  
枝舉進士南京工部主事補海州同知才藻宏  
麗有父風

碑誌 縣志人物 卷之五

吳大

李源字宗一祥符人成化丁酉舉鄉試第一弘治  
丙辰舉進士官兵部武選司主事歷員外郎中  
逆瑾竊政源守正不阿失瑾意構以他事謫襄  
陽府司印瑾誅起湖廣有疏司叅議以疾免歸  
有集若干卷



治丙辰進士授山西道  
無錫史巡視中城不避權貴出按河東賊攻時  
安邑有疑獄數年弗決逮繫其衆賊一言立折  
之人稱其明正德初會疏劾逆瑾罪惡乞置之  
法瑾繼之誣坐他事罰粟五百石輸邊仍出知  
鞏昌府以治行擢四川按察司副使從征巨寇  
方四有功賜以銀幣褒之加俸一級累遷右僉  
都御史巡撫山西逆寇岢嵐賊敗之斬首百五  
十級獲馬千餘匹復賜銀幣加俸一級山西巨  
盜武廷章反賊賊廷章平其地加俸一級進兵  
部侍郎署部事西邊告急賊以素請邊事命兼  
僉都御史行邊賊馳至固原敗之詔賊總制三  
邊軍務平涼延綏有警皆大捷移鎮鳳陽進兵  
部尚書居三月卒贈太子太保謚恭簡

田汝耕字勤甫祥符人學無所不窺工古文辭與  
李獻吉何仲默高子業左舜齊結社倡和汝耕  
舉弘治十八年進士授行人拜刑科給事中疏  
薦大臣以忠諫者如韓文等當及時起用忤旨  
又劾武帥時源恃功濫縱不報尋以忤直遷江  
西提學僉事汝耕能以文章擅名於時刻意修



古諸士之文卑下鮮當意素負時望者多置下  
考衆口譁然又遵勅內條例具疏薦劾知府同  
知知縣教職十餘人按臣及僚儕惡其侵官以  
論劾調山西尋遷湖廣按察司副使致仕歸年  
四十五環堵蕭然僅蔽風日力田養母誦讀弗  
輟所著有周易纂註水南集若干卷弟汝霖字  
深甫少負奇氣善爲詩文與兄齊名正德丙子  
薦於鄉試南宮數困晚年謁選兵部司務鬱鬱  
弗愉踰年卒於官遺稿二冊同邑陸道涵刻傳  
於世

李士允字子中祥符人父環青州通判有治術士  
允未弱冠擅才名工古文辭不喜近代諸家語  
十八舉於鄉正德丁丑舉進士與何景明薛蕙  
顏木陳沂曹嘉王廷陳馬汝驥諸君子俱以著  
作高海內士允體孱弱謝病歸久之起補蘄州  
府推官累遷江西布政司左叅議會太倉海寇  
之亂遷按察司副使兵備太倉士允以計擒獲  
首惡餘黨解嚴朝廷賜以白金文綺崑山盜劫  
冑家財捕者誣執平民拷掠殆斃士允一訊卽  
釋果獲真盜尋遷浙江叅政士允以爲謝事會



御史按其地誤以不迎爲慢接他事奏劾  
補山東副使擢陝西苑馬寺卿引疾乞歸  
四年卒士允才高伉直嫉惡太嚴故不得  
位所著有李氏山藏集行於世從子纂舉  
乙未進士累官陝西左布政使別有傳

熊爵字獻子正德辛巳進士授寧津知縣以治行  
卓異擢監察御史風裁自持彈劾不避權貴世  
廟時夏言方貴幸以吏科都給事中兼翰林院  
侍讀都察院僉都御史爵疏奏夏言進用太驟  
非言之彌辭甚危切奏雖寢直聲震天下奉命

祥符縣志

人物

卷之五

四九

按屬貪墨望風引去會有真冠之警爵決策勦  
捕寇悉平璽書銀幣旌之鎮守太監蕭通貪恣  
不法爵疏劾免然以持法不阿取怨當路外補  
山東按察司僉事旋謫乾州判官量移平涼再  
遷周府長史既夏言及於禍當事者欲進用爵  
爵已卒士林惜之所著有平真外史熊乾州集  
秋興詩行於世

郭鳳儀字舜符祥符人嘉靖丙戌進士仕至雲南  
按察司副使攻古文詞尤精於詩字跡急就章  
句其神亦能畫詩尤重於世所著有幻奕集



嘉靖正德甲戌進士仕至陝西按察司副使子  
中嘉靖丁未進士仕至廣平府知府

王教字庸之祥符人嘉靖癸未進士及第授翰林  
院編修與修會典陳時政十二事上嘉納之遷  
侍讀三分校會試所錄皆知名士充經筵講官  
遷國子監祭酒疏請薛文清公從祀識者矐其  
言尋以原官兼右春坊右諭德祭酒兼宮僚自  
教始亡何遷南京兵部右侍郎議以鹽引羨金  
辦漕舟料價民甚便之後以入賀聖節道病卒  
於家

祥符縣志 人物 卷之五

五十一

高叔嗣字子業祥符人賦性穎特年十六著申請  
賦數萬言登嘉靖癸未進士授工部管繕司主  
事改吏部稽勲司主事歷員外郎中與薛君采  
輩相倡和名震一時會外戚蔣氏乞封叔嗣堅  
執不可忤執政意謝病歸築讀書園於西郭外  
爲隱居計居三年起補原官復以失權貴意出  
爲山西左叅政遷湖廣按察司卒於官年三十  
七歲所著蘊門集傳于世叔嗣兄曰仲嗣丙戌  
進士歷官廣西府知府清修博雅攻古文辭所  
著有廣玄集與叔嗣齊名世比之晉二陸云



王瑋字元玉祥符人宜武衛將軍生而能言既長無  
書不讀師事李獻吉而與高子業爲友嘉靖癸  
未舉進士累官南臺御史遷武德道憲副賊曹  
獲貳盜群盜劫之殺賊曹瑋捕得群盜盡斃之  
門下胡守忠憐媚得幸世廟先是守忠過瑋據  
上坐瑋恚而絕之由是憾瑋世廟南巡過武定  
爲胡所給廷杖之遂病尋遷天津憲副卒於天  
津瑋性廉介居官十六年篋中贏金三觔付長  
子他日爲諸子業病革謂家人曰諸屬尚有羨  
鍰我死慎無利之既卒郡吏來饋諸子竟弗受

祥符縣志 人物 卷之五

五

子五人季日中達隆慶戊辰進士爲黃縣令

和春字大齡祥符人僉事維之孫父暉爲周府郡

王教授春工古文詞與李獻吉同游皆以著作

成名往來倡和具載北地集中十八歲以儒士

舉於鄉後以乙榜授晉州學正春善爲樂引諸

士向化直指王巡歷至晉州請學行射禮命春

耦射連發破的王皆負陰德之春引疾致仕歸

飲酒賦詩與朋舊相過從又三十年乃卒所著

有雪臺遺稿二十卷藏於家從弟夏字大芳

也乙未進士瑋之子十歲



...年未嘗輕見一人詩文字跡見重一時

左國璣字舜齋尉氏人父尚鎮平王府廣武郡君

遂家平符七歲能詩讀書日數千言字法擬旗

魯公弱冠為李獻吉就學於京師正德十一年

舉於鄉不名籍甚四方好古之士皆千里來從

將國璣至都下公卿爭迎致之得其隻字片辭

輒為寶之累試南宮弗利嘗略者欲薦入

弗就歸老汴上博極群書肆力著作所著

祥符縣志人物卷之五

頌碑誌序記諸體詩各累萬言行於

口片川先生

李慕生愈承祥符人舉嘉靖乙未進士長直隸蘇

州知州薦遷京師多權貴有欲加賦於郡者慕

方疏之被詔奏速築尋事符白竟如慕議秩滿

遷工部員外郎以父士光尚秦陽縣君於王親

他改授江府同知累遷御史按察司副使兵備

嘗表其會古北以有警請州務

夜

故遺城感其墓曰



王峪土墻易破可急遣將守之此遣將至敵已  
近墻知有脩遁去以捷聞擢叅政尋晉按察使  
仍脩密雲賜以銀幣擢陝西左布政使致仕歸  
里治田課子未嘗一至公府讓先人遺業子弟  
治城東田僅十頃里人高之

李濂字川父祥符人幼穎敏好讀書九歲攻古文  
嘗作里情賦爲李獻吉稱賞與樵郡薛君采齊  
名正德癸酉舉鄉試第一明年舉進士授沔陽  
州知州會川襄水溢大稔濂疏請蠲賑得旨報  
可全活教萬人漢陽有貴臣請以沔隸漢陽部

覆如意濂疏奏極言民情弗便事遂寢累遷山  
西按察司僉事理屯政會學憲缺濂攝其事不  
兩月而試周一省士人悅服坐忤權貴嗾言者  
論罷遂致仕歸年纔三十八杜門謝客日以著  
述自娛又四十年卒年七十九所著有嵩渚文  
集一百卷外集緒集若干卷所輯祥符文獻志  
汴京遺跡志鄉賢傳醫史朱仙鎮岳廟集稼軒  
長短句諸書并傳於世

李承恩字君賜祥符人正德己卯舉於鄉明年下  
第爲縣名理諸書閉門潛玩每有心得見之著



進多先儒之所未發所著有易大義詩大義  
拾蔡學庸拾朱孟子說西銘定性書太極圖說  
等書皆爲之解陰陽論心印圖格物致知說數  
往者順知來者逆說河濱目錄存稿總若干卷  
張思字子推祥符人少孤家貧力學授徒以養母  
撫弟妹嘉靖丁酉舉鄉試第八名兩試南官皆  
乙榜因母老署宿州學正丙午分校江西時各  
省闈卷皆屬諸外簾有司受成於御史應聘各  
房考具空名而無所事事思閱卷得雋以職事  
力爭御史御史氣奪竟錄所取士尋晉爲山東

平原縣知縣有疑獄累年弗決思齋而祈於神  
得異夢一訊卽決已酉以外簾分校山東得平  
原張蕙濮州陳忠翰後皆成進士在平原五年  
多惠政平原人祠之至今晉爲鳳陽府同知會  
河決徐淮思隨河臣相視原濕開新河以通漕  
淤河功成欽賞銀十六兩巨寇師尚詔起兵睢  
州破歸德擁衆南侵思從大中丞吳公守宿州  
賊至聞宿州思身親矢石櫻城固守不詳甲者  
三日夜賊引去尋以母憂去官起補湖廣黃州  
府同知時分宜父子當國士人多以賄進黃州



守某者分宜同鄉且用親私謂于我千金爲相  
老壽則郡守可得也卽不給吾以府藏爲若輸  
之恩謝曰余歷官十八年產弗及中人勢不能  
取盈中相君意又借貲於府實以勤辱郡守升  
沉數也何敢私望幸焉居二歲倦游致其仕歸  
清介寡營日與故舊斗酒相勞所著有真率飲  
記其他詩文多不存稿又六年卒

楊根字伯溪先世中山人移家祥符父澤膺恩薦  
卒業太學累爲博士幼卽以文成名乃動必慕  
古舉步不失尺寸與人不要交游士皆以嚴見

祥符縣志 人物 卷之五

五十五

惲嘉靖辛卯舉於鄉教用公卑謁選理鳳翔郡  
根奉法能謹嘗稱職期議丁糧里遞多便於民  
隨御史按部惟劾其大盜巨姦餘悉不同再理  
承天江水溢涇民田廬根畫策築堤水不爲苗  
輸羨餼置墾田數千畝爲諸生饋粥費稍遷延  
安府同知調慶安馬政支芻餉繕修城堡稽核  
功罪無不脩講核以廉直執法隨事奏劾嘗奉  
徵防秋因原中嚴紀律倡勵士氣邊徼無警嘉  
靖丙辰擢都察入覲因稱病不任職致其仕歸  
嘉六年卒郡中自同馬表其墓曰貞靜先生



字企夫舉嘉靖己酉鄉試選直隸栢鄉縣知  
縣居官清慎而愛人一以修舉廢墜躬行教化  
爲任杖人不至十治訟不取贖錢惟罰教惰廢  
爲開民隱溫溫然若家人百姓視之如父母值  
歲旱等齋戒禱神自暴於烈日中俄而大雨降  
百姓呼爲知縣雨萬曆甲戌入朝卒於京囊橐  
蕭然無以爲飲同鄉宦游京師者經紀其喪柩  
過栢鄉百姓攀擁號泣至爲罷市留數月始歸  
輪田立祠祀之至今祥符士人過栢鄉者皆曰  
吾高公鄉里也治具款待子孫貧甚時贖金贖  
之

栢鄉縣志人物卷之五

二十六

字企字汝曠祥符人嘉靖癸卯舉鄉試第一丁未  
舉進士授南通州知州憲丁張倫劫殺官役捕  
者奉御史指求盜急不得妄引良民大姓囚十  
八人嚴刑誣服死者幾半金力白其寃御史怒  
未幾果獲真賊全活甚衆遷山東兗州府同知  
督撫王公犒軍德州軍卒聚而譏金廉知其首  
事者指名呼之其人卽出衆隨解散晉浙江右  
叅議守溫處倭寇犯青田金力守孤城七日友  
援引去賊得保全晉海道副使金以抗直忤貴



幸意罷歸。嘉慶改元，詔起補山西按察司副使。累遷陝西左布政使，入爲順天府尹、刑部右侍郎，改兵部右侍郎兼僉都御史，巡撫陝西，斬盤屋妖賊，地方以寧。尋引疾請歸。初，金與新鄭高文襄公爲周親，穆皇時，文襄秉政，金亡所私謁，諸借譽爲貴者亦無敢及。金門文襄以嚴正見憚，金歷任幾三十年，官至卿貳，產不踰中人治家教子嚴，而有法，旣歸杜門，謝客人罕得窺其面。臺官數論薦，竟不起。家居十七年卒，論賜祭，墓如制，所著有傳川文集藏於家。

詳符縣志 人物

卷之五

五七

陸東宇，道南舉嘉靖庚戌進士，授大理評事，仕至貴州都勻府知府，博雅好古，攻詩文以表章遺文爲已任。蒼莽間有斷碑殘碣，皆操筆在書之。郡邑文獻多所蒐采，所著有陸道函集若干卷，行於世。

朱光宇，字德明，祥符人。舉嘉靖乙丑進士，授戶部主事，改山西道監察御史。初按貴州，再按福建，皆以病歸，未得竣事。萬曆壬午，詔以原官起用。又數年以病卒於官。光宇識度凝遠，守藏一介。御史十八年，俸不滿兩考。光宇坦然居之，無躁



孝意自顯建歸扶可醫崇安令朱知其貧括贖  
銀若干充道里費光宇峻拒之陰遣使齎百金  
從醫行光宇歸家聞狀怒曰令不知我豈以醫  
故爲縣官費竟還之與人胸胸不失尺寸無卑  
容亦無亢色無問識與不識皆稱爲長者卒之  
日囊橐蕭然子孫稅屋以居焉

王中達字道卿瑋子九歲孤家貧甚受學於伯兄  
舉隆慶戊辰進士授山東黃縣知縣黃僻在海  
澳往時令皆相沿爲苟且中達至釐定賦籍開  
墾荒田一以修廢興利爲已任儒生某者得罪

祥符縣志

人物

卷之五

五十八

於父携其孥奔萊陽已而儒生溺死妻歸而父  
誣其奸狀訊之者寘之辟公辨得釋黃山郵舍  
徒爲丞所困幾死中達與之約如期至盡脫之  
全活數十人尋以憂歸羸餼四百金皆藉而留  
之當道者念其貧醵金五百贖之竟弗受中丞  
梁公填中州時過中達會兩驟至屋溜沒脛中  
丞願捐羨餼授之室中達謝曰尊貴臨門草土  
之人不敢迹置儼然恪賓主之禮者以明公知  
我也乃因以爲利明公不知我也竟弗受迄卒  
貧無以爲飲大司馬楊公經紀其喪子三季曰



正志萬曆戊戌進士爲富平令以論劾惡黨  
死詔獄別有傳

王用章字汝平祥符人少機警從師受書一過弗  
忘嘉靖辛酉舉於鄉乙丑舉進士授崑山令崑  
山故饒自倭警後稍瘠用章蒞任復屢值水旱  
賴用章得以全活不至流徙三年政成百姓安  
堵士大夫不敢私說吏闕民凜凜奉約束舉治  
行高等坐王親側不得入爲京朝官晉常州府  
同知仍治崑山又二歲王親側解入爲禮部主  
客郎用章曰吾治經術取科第爲吏列內朝隨

祥符縣志

人物

卷之五

五十九

試取効可以畢吾志又何求於是謝歸日縱酒  
而攻詩自獻吉子業後用章繼之雅前復興居  
家二十五年無所請謁宦河南者時造其廬則  
引避不出甘貧樂道無營於世好獎藉人亦好  
面折人過人亦以是見惲所著有松雲集藏於  
家

未睦學字灌甫周藩鎮平恭靖王四世孫父安河  
封奉國將軍母張氏淑人學生而端穎李獻吉  
一見卽奇之曰公家飛兔也十歲徧謁名儒受  
經學甫弱冠六經皆通大美益購秦漢以來諸



家經解日夜讀之諸所發明多得之於  
註之外尤精於易春秋博通古今故實以及  
世之務考究皆有成畫撫院監司至於諸郡  
長史咸就樸問政應之若響莫不畢效樸名  
海內名流皆與交驩遠弗能至者則束書千里  
定爲神交而四方之士擔簦游梁者皆賴爲館  
教門下食客屢相錯也卽第建萬卷堂購書三  
萬餘卷日誦讀其中至老不倦上命各藩立家  
學樸奉旨問爲宗正群宗生五百人日督誨之  
皆成文雅之儒樸生有至性事奉國暨張淑人

澤州縣志

人物 卷之五

六

其備居喪二年不入內寢先世遺產盡予諸弟  
自奉儉樸斤斤若儒生卒年七十部使者聞于  
朝上以樸學行并優加祭墓所著有五經考疑  
於經圖跋上集中州人物志忠臣列女傳大明  
帝系周國世系鎮平世系遜國紀中州文獻志  
詞林從祀考而河南通志開封郡志多所參定  
遺書數十種行于世經學尤著于勤羨號竹居  
博學善屬文嗣爲宗正有父風

張孟芳字元嗣占籍中牟世居祥符舉嘉靖乙丑  
進士授廣平 推官以治行被徵坐竹御史補



漢中府同知累遷尚寶司丞穆廟時新鄭高文  
襄公秉國孟男爲內兄子且係文襄公所錄士  
孟男自旅見外無私謁文襄公以故望之四年  
不調迨文襄公爲江陵所構以嚴旨譴歸危甚  
親暱皆引匿獨孟男周旋不避江陵當權矯文  
襄公所爲孟男一歲三遷晉南京太僕寺少卿  
欲引附已孟男曰始予不媚新鄭受相君知遇  
今何敢媚相君負知己遂不復謝江陵敗累遷  
至工部侍郎掌通政司事則疏請御門裁荅章  
奏語甚切至已晉刑部侍郎改戶部晉南京工  
部尚書尋改南京戶部尚書留都賦額半于京  
師有司玩愒積逋弗完以致留計匱竭孟男疏  
請重總督糧儲之權覈其舉刺爲守令殿最由  
是積逋盡輸而庾帑皆充偶爲蜚語所中屢疏  
引疾得請還里五年有詔以原官起用孟男復  
入南都舉何所規畫益申飭之而佐以清勤爲  
郎吏倡冢子之喪主者治柩費金百兩括俸積  
其直攝督儲四年省水衡錢不貲別建府庫倉  
三厥輸訖緩二千餘金爲之不以煩水衡迨臥  
病上疏求去得肯慰留病已弗起猶從臥內



畫部事遺疏千餘言曾同奉大計命于民表  
於上之孟男通籍四十二年位都正卿市無  
產內無羨蓄門巷敞而不飭蕭然不異儒生勤  
事以死不忘尸諫可謂社稷臣矣訃聞上賜祭  
四壇贈太子太保遣中書舍人管堇悉如制

張一桂字稚圭其先歙縣人父清始籍祥符一桂  
舉隆慶戊辰進士改庶吉士庚午授編修與修  
國史壬申使持節冊封德藩萬曆甲戌分枝禮  
閣所取皆知名士是歲穆廟實錄成進陞修撰  
賜金綺羅衣宴之南宮尋補經筵展書官兼掌  
祥符縣志人物

卷之五

制誥丁丑世廟實錄成進侍講晏資如甲戌尋  
直起居編摩六曹章奏會故相江陵張居正以  
父喪奪情檢討趙用賢編修吳中行上書論劾  
各得杖譴一桂與副官趙志臯張位李長春田  
一儒習孔教于嶺行具疏論相君當守制趙用  
賢吳中行不當濫罪疏奏中官陰報相君相君  
從中刺取格不上聞因以星變大察志臯等各  
與重降罰一桂謝病歸里踰二年相君卒一桂  
還國考侍講滿再克經筵及分修會典甲申晉  
右憲如右前德仍兼侍讀克日講官四年與順



天鄉試稱得人時有中貴人子弟擯不見收而  
浙江窟跡京兆多與選者京兆諸生緣爲飛語  
聞禁中上怒下法司問狀具以質對有詔張一  
桂調南京別衙門用調南京兵部員外郎戊子  
進南京國子司業明年晉祭酒明年召入爲太  
常寺卿仍兼祭酒尋晉南京吏部右侍郎逾年  
改北禮部右侍郎兼翰林院侍讀學士尋轉左  
一桂聞命就道時業已病行至永城卒國制日  
講官卹典不限年資贈謚祭墓恩蔭皆從優厚  
一桂之卒也嗣君堯咨以例請值當事者以同  
祥符縣志人物

卷之五

李三

鄉引嫌僅得祭墓一桂著作甚富典制之文暨  
詩賦序記志銘諸體若干卷藏于家

楊時馨字惟德祥符人父月林尚餘姚縣君兄弟  
三人發身科第季則時馨舉萬曆甲戌進士授  
戶部主事丁憂起補工部屯田司主事理易州  
山級一切供帳悉行裁省廉勤著聲上嘉其能  
晉俸一級尋督慈寧乾光二成賜金綺繕壽宮  
及郊哀王仙居公主營役竣賜資如初晉虞衡  
郎中時馨峭直清介不能爲人俯仰嘗以執法  
部貴權請求及督工程一以節省浮費稱增其



有之其造邠哀王嘗會有旨將臨閱群璫故毀  
垣與激上怒同事者共危之時馨不爲動歷俸  
八載竟以不善媢阿外補山東按察司副使益  
以風裁自持中丞宋應昌崇信左道奸民張君  
就以術媚事應昌應昌倚任若神明時馨面折  
之失應昌意中蜚語掛彈章部議當調時馨卽  
棄官歸歸一年卒時馨性孝友多大節居嘗憾  
祿弗及養語及卽泣下喜佐親族交友之貧乏  
者傾橐與之無少吝沒之日橐底蕭然居官勁  
節清操凜凜一代偉人竟以謗去官命且弗延  
祥符縣志人物 卷之五

六四

士論惜之

楊沂字宗源祥符人性孝友母卒悲哀幾絕四世  
同爨內外無間言補郡庠生一時聲稱出諸生  
上鎮守中官劉昉延之爲其從子講業嘗引沂  
至其私藏令恣所欲取之沂一無所領昉大敬  
服嘉靖壬午貢入太學授安肅縣訓導正身率  
物遇才雋之士輒改容禮之諸生有貧者則出  
俸金以濟其不及督學陳公講稱之曰此真後  
進者之楷範也乃命總教諸庠士熙然向化後  
遷海陽王教授比卒安肅諸生思之請于當道



祀于名宦祠云

陳寧字原安祥符人父讚周府典儀早喪母側室  
王氏撫之寧事王如母王卧病十七年寧日侍  
牀蓐供湯藥無少怠歿則盡哀先世貲財盡散  
諸兄弟毀徒自給汴中人士皆從受經術多起  
家資科當路者莫不知有夷門陳先生戶部尚  
書表洪愈吏部尚書梁夢龍者任河南皆延寧  
爲子弟師寧相接四五年言不涉家事兩公雅  
重其人舉明經分訓丘縣會仲子濟舉進士寧  
謝不仕又三年以濟貴封陝西三原縣知縣文  
祥符縣志人物

卷之五

五

林郎卒年七十八郡邑諸生交誦其文學行誼  
宜祀于鄉公舉于督學使者從祀鄉賢祠子濟  
萬曆甲戌進士任陝西三原縣知縣以循良卓  
異著聲晉戶部主事以親老引疾歸養逮寧卒  
濟卒于苦次

劉貴字道元祥符人萬曆甲戌歲貢官彰德府儒  
學訓導醇謹篤行舉不踰規矩經術制義尤爲  
士類所宗執經門下者數十人皆以文成名居  
家勤儉教子嚴而有法伯子舉明經仲子舉進  
士猶蔬食布衣出門不具輿馬至老如一日諸



子化之皆恂恂樸茂卒年八十五  
縉先生

朱安瀾字思甫鎮平府奉國將軍篤行好古於學  
無所不窺邸第建青藜閣藏書數千卷日誦讀  
其中極意著作攻古文辭海內名流皆與從游  
性至孝父曰南山公嘗病瀕刲左股以進病良  
已火司寇餘姚翁公顏其堂曰世孝云瀾博極  
群書明習當世之務晚年宗陽明之學與海內  
名儒章南荅耿楚侗鍾文陸奎鏡源諸公相辨  
論多所會悟兩臺監司郡邑諸大夫皆造廬相

祥符縣志

人物

卷之五

六十六

問自論文考政之外一言不及私士人益重之  
晚年奉旨爲宗正群公族子弟長之經義執經  
問難莫不人人解頤又二年卒壽八十六所著  
有理學寤言太極圖考古本大學續談藝錄春  
草齋集江山覽勝集鷗丁漁唱集叢桂莊詩集  
宗臣志寧夏定變錄北地年表叢桂莊品題詩  
牡丹譜皆行于世

王允中字宗堯祥符人少家貧力學弗厭嘉靖戊  
午舉于鄉盡輸其實與之貲置田百餘畝供兩  
尊人朝夕費群諸弟妹收養之授書于西華



其庭脯以畢弟妹婚嫁萬曆丁丑謁選授  
隸靜海縣教諭三年晉令南皮縣初抵任齋祓  
盟諸神以清節自勵執法不避近貴蒐名田二  
千有奇百姓租賦減舊額幾半南皮當九河下  
流水瀦而不得洩北界滄州舊築堤堰障水會  
雨潦滄州有貴官坐堰上決堤沒民田允中冒  
雨單騎行水中而數之辭色俱厲貴官氣悒寒  
其壑境內保全他如墾油田招流移裁驛遞稽  
侵冒皆便于民尋以治行高等晉刑部主事歷  
員外郎中允中明習法律大小必以情部中有  
祥符縣志人物卷之五

疑獄弗決莫不願就質奉命讞三晉獄多所平  
反尋晉陝西按察司副使兼叅議歷任踰年以  
憂歸謝絕交游躬耕于城南樓瓦厓經歲不一  
入城市郡守肥鄉宋公命學傅造其廬延爲鄉  
飲賓始一往督學使者新安吳公慕其高往候  
之貧不能具鷄黍允中孝友清忠本于天性居  
喪泣血三年一稟諸禮語及贈公及孺人輒泣  
下歷官三十年僅有田二百畝割其半以贍弟  
任宗人鄉里之貧及婚喪弗能舉者每月朔望  
聚鄉民講民聖諭及古今忠孝禮義事鄉里有



行一善事卽漲爲獎引一父偶有竊者入其  
言允中曰公非王清官耶誤矣引去卒年七十  
三自志其墓公衆從入鄉賢有子永慶奉祀

楊時寧字子安西山仲子八歲受易於陳月湖先  
生嘉靖辛酉舉於鄉隆慶戊辰舉進士授山西  
曲沃縣知縣以治行稱最晉吏部考功司主事  
萬曆改元新鄭高文襄公爲江陵所傾一時文  
襄親故居華要者皆奪其官時寧降兩淮運判  
歷官兩浙運判南太僕丞稍遷兵部郎山西按  
察司僉事周歷藩臬者十年所至皆有成績治  
祥符志人物卷之五

李八

兵固原備有寧憂時拜兵變時寧督餉決策從  
紅有功賜銀幣尋晉僉都御史撫寧夏時值兵  
燹之後士馬凋敝乘虛闖入者多所鹵獲時寧  
雙厲將士警至輒敗之先後斬獲千三百餘級  
駝馬夷器不可勝計晉右副都御史加兵部右  
侍郎有箕口興武之捷以三品考滿陞都察院  
右都御史總督宣大宣大自互布以來二十餘  
年人不知兵時寧除器繕陣練習士卒凡變際  
間頗興行裁減歲省軍需以佐戡士部覆寧夏  
兩河奇捷疏奉旨加兵部尚書賜銀幣復遇閔



視加太子少保會西夷擁衆要挾加增市賞時  
寧設兵守要地相拒三月天寒敵食且盡逸去  
明年秩滿加太子太保五路台吉挾索宣雲舊  
賞侵犯新河口時寧疏叅部將報功不實者因  
失樞臣意力求解兵柄疏教上詔許致仕歲加  
夫米晉太子太傅未及行而要挾市賞者復至  
人謂時寧且解兵柄盍少徇之時寧執不可益  
嚴爲之脩敵知難犯遂表貢鞍馬弓矢事竣得  
代還里行李蕭然無他長物屬吏將佐餽遺一  
無所受治別墅於城西與故舊相招飲居三年  
以壽終所著有寧夏奏議督撫奏議三邊圖說  
使者計於朝輟鐘鼓一日贈太保諭祭十壇遣  
官營墓致贈咸如制

田世威宣武衛千戶驍勇明春秋大義嘉靖間中  
會武陟指揮同知以邊功累官副總兵初分守  
延安有聲咨取總理馬市保陞宣府遊擊會大  
同有犯調守紫荆關截殺於金家井大戰五日  
生擒酋長吉脫蘭命協守大同三十四年大舉  
入犯調赴朔州大戰於杏園地方斬首甚衆奏  
准世襲指揮使以疾回籍起山西副將地方失



事嘉論戍永寧隆慶五年賊孽犯獨石口世威  
充頭目哨探至臭柳灘遇賊伏奮勇衝戰得勝  
而旋總制尚書王崇古叙世威前後出邊斬獲  
功績以聞復職鎮守三鎮萬曆元年卒於邊題  
贈都督僉事驃騎將軍世襲指揮使如故

楊四知字廉風萬曆甲戌進士清畏自持人不敢  
干以私由行人晉御史按閩閩地俗有蠱官不  
能問四知至俗爲之革尋遷北直隸學院士人  
服其公明累陞大歷寺卿執法不阿朝野咸重  
之及卒人思之曰楊公行事蓋不媿其名云至

祥符縣志

人物

卷之五

七

今傳誦不衰

徐濂祥符人由蘭陽籍中嘉靖壬子式任平涼守  
會土番入寇公提兵力却之軍中有韓范之目  
尋遷苑馬卿賢聲丕著致仕歸處家如寒素清  
卓好施鄉之人薰而化者千萬計及歿邑人士  
白其行於上崇祀鄉賢

孫守業祥符人隆慶丁卯舉於鄉任山東章丘學  
博善誘人尋遷國子監學錄歷戶兵吏三部司  
務出授湖廣辰沅兵備馭兵民多善政會苗  
犯順守業將所部軍擊破之禽渠逆吳老跳等



有功以公舉入鄉賢從祀

王惟儉字損仲祥符人萬曆乙未進士累遷山東  
巡撫冰檠自持節餘金七萬悉以疏開尋授工  
部侍郎三殿成予蔭一子以直忤魏璫鬱憤而  
死賜祭葬贈工部尚書祀鄉賢

高節字慎默祥符人萬曆辛丑進士任山東壽光

令有卓犖擢兵科給事中志鯁不阿其兄諱第  
以孝廉至臨洮知府多善政卒兄弟並祀鄉賢

宋明德號毅謙祥符人萬曆戊子舉人任山東德  
州知州以清靜醇朴爲治州人化之歸家囊無

祥符縣志

人

卷之五

七十一

長物淡泊過儒生年八十餘猶夜讀書足未嘗  
一至公室且善于祈禱術歲旱上官即詣其廬  
致請祈輒雨里人至今稱焉

馬斯斌號二岑祥符人萬曆丙午舉人任山東長  
山縣知縣廉節自守歸里後貧無以爲食日賣  
文自給孝廉林宗張先生題其室曰文爲活鄉  
八重之

馬體元字紫素祥符人性孝友母疾泣天願以身  
代從事豫章徐匡嶽先生以道學名萬曆戊戌  
選於鄉任山東觀城令會歲侵餓殍載道體元



設法賑濟存活數千餘人士民勒石頭之改任  
山西蔚州北直晉州咸著聲循良 去民攀

轉不忍舍調任涿州值白蓮教變飢民脇從者  
衆群議主勦體元獨主撫力請于上躬諭解散  
之多所全活侍父八十七歲問視之節不減孺  
慕有出數百畝悉令三弟平分已不取焉嘗教  
子曰子者已之子弟者父母之子也聞者咸嘆  
服致仕歸杜門讀濂洛書所著詩文成集及卒  
祀鄉賢

常一中祥符人由歲貢司訓羅山邑中舊有子路  
祥符縣志人物卷之五 七十一

問津祠僧入易以佛像一中力爭之得復僧囑  
賞道一中以直忤去士人爲樹直道先生碑  
張元佐字子襄祥符人天啟乙丑進士有文名任  
銓部多所整釐累遷兵部右侍郎出鎮昌平以  
身係國安危後積瘁告歸不越年而歿上嘉其  
忠贈兵部尚書里人思其德舉祀鄉賢

郭文燦字中白祥符人性篤孝友親疾必嘗藥而  
進之兄弟世同居內言無間族有貧者婚葬咸  
濟之設義學誨里子弟崇禎戊辰舉進上任山  
西大同令會年飢民苦逋餉售已田一千畝代



爲之償尋遷戶曹主事持籌公慎有能聲改刑部浙江司以病歸絕跡公門居別業日與農圃伍里人有謙謙君子之號奉祀鄉賢

賈明孝字君錫祥符人戶部主事選之子聰敏過人博極群書由明經仕爲秦中宜川令直慙不合當道解組歸來閉戶讀書都人士多從之遊年七十餘卒所著有四書校數編行世

張士儁號瀧霞祥符人博瞻有德守印名邑庠中天啟辛酉中鄉試第二  
山知縣以疾歸杜門詩酒著有詩文成集卒人咸傳之

祥符縣志

卷之五

七十三

鄭封號大野祥符人崇禎甲戌進士事親孝居喪盡禮由行人晉御史癸未奉命按廣西有鉄面之譽甲申聞國變家人勸其北返封終不聽憤鬱而卒子庚錫抱父哭八日死粵僧人驗其尸眷屬在都者咸盡節益忠孝節義皆出一家云

國朝

陳胤襄祥符人萬曆甲辰舉進士初任南京太常寺博士陞禮科給事中轉大理寺右少卿以直忤魏璫削奪積敗詔復職

明起用補大理寺左未幾以病歸杜門教子示人



上咸仰式之以壽終

王再興號少華祥符人家貧善事母順治丙戌舉進士授行人謙恭過爲諸生時家愈貧門巷蕭然里人過而嘆服強年以疾卒聞者悲之

劉昌號瀛洲祥符人天啟乙丑舉進士授陝西三原縣知縣撫民多惠政月課士講論不輟丁卯試分闈所拔多知名士時議建權瑞魏忠賢生祠地上官意坐三原昌力爭得免以內艱去士民立祠祀之服闋補直隸元城縣舉卓異考浙江道御史帝閱卷拔科員第三補戶科給事中祥符縣志人物卷之五

之三

疏三糾樞臣張鳳翼及提督太監劉文忠縱寇詞連輔臣澁體仁遂調外後起廢帝開昌疏梅遂賜環補吏科給事中甫三日即劾臺臣廖維義等皆補職壬午典山東試無得人借旋示汴爲黃水沒禍自按臣嚴雲京瀋河始昌具疏力彈之越明年癸未召至都甲申

清定鼎以科尚授太常寺少卿典禮樂章祀事有條議遷太僕寺卿多所清澄時民苦依馬昌議折價重隸山東皆便之陞工部右侍郎尋遷左值上親政覃恩知太子人保都察院左都御史因得封



三代處于陞工部尚書有修河修城暨清寒

痕疏 上嘉納會乾清官成 賜品及金銀

刑部尚書力辭 上慰留持法多平允屢進

傅兼太子太傅請假遷葬兼營妻一品夫人朱

氏墜 上予祭一金五百假滿補工部尚書力

疾視事屢乞休情詞懇切 上諭補官者再知

不可罷下 溫旨褒嘉復諭子許驥驥歸居家

清儉如寒素杜門躬課子邑有利弊事力代

白紳人歌其德士之有品而整者多從之遊歲時

壽也 原元城人尚有至其家者

前符縣志人物 卷之五 前七十四

王植字璋之祥符人由拔貢授北直道州州守

四月印棄官歸因題詩于署曰四月張官血盡

嗚呼其潞水付東流十人未竟七年事始信繁

難第一州居家情朴有古風人高之

孝友

孝友庸行也終身所不能盡亦終身所不可言

奚志乎然無以志之非所以為笑許也上流

淳由粟姜被之風蓋有存者則一事則太

聽其所為不在旌表之列蓋以

為訓也其舊志所載不敢



孝友志

唐

張士巖其事無所考舊志有姑存之

宋

張遇仁開封人四世同居

元

杜佑河南行省署為三司及水馬驛提領父成病

于家佑忽心驚舉體沾汗即棄職歸父病殆遂

禱神求代且嘗糞以驗疾父卒廬墓盡哀有馴

兔之瑞人以為孝感云

祥符縣志 孝友 卷之五

七十四

陳善事親以篤孝稱復其家

明

丘鐸字文振祥符人師事劉基至正末避地四明

及江南皆歸職方弟鈞為會稽巡檢奉母同之

官未幾母病鐸晝夜泣禱乞以身代母後哀慟

幾絕卜葬於鳴鳳山下結廬墓側朝夕哭其

地多虎聞鐸哭聲皆避去人稱為真孝子宋濂

傳其事

一陳鑑祥符人妻死鑑不復娶父遭疾十餘年躬

洗髮親調湯藥朝夕無少懈父卒哀毀骨立季





父老而無子鎡請同居侍養如父母成化十八年詔旌表

岳仲明宋鄂王七世孫祖居固始洪武初徙家於  
沐仲明少立清節隱居不仕親喪廬墓九年有  
司舉孝廉三召不起賜號純孝先生所著有遺  
安集藏於家

翟聚性至孝嘗割股以愈母病洪武二十年以孝  
廉舉授行人毋沒廬墓哀毀踰禮終直隸臨淮  
縣丞有司表揚之

朱安河字應清鎮平府鎮國將軍性至孝毋賈夫  
祥符縣志孝友 卷之五 十五

人病割股以進復嘗溷以驗羞否及卒哀毀骨  
立蔬食終三年迨父病一如所以待母父病羞  
有烏數千翎於庭人以為孝感所致事聞上遣  
中書賜璽書及卒復勅建崇孝祠以旌焉

陸清字汝清祥符人性至孝父母有疾侍榻朝夕  
弗離藥餌非親嘗不進及沒廬墓終喪以過哀  
瞽其右目致有白兔之瑞後以貢生任鄒平縣  
儒學訓導嘉靖中旌表

劉允行少喪父母郭氏年二十九紡績養姑姑沒  
齋衣瑱祭墓守節五十年郭時疾亟思食肉允



行割股以奉乃愈後患疽藥罔効奉侍益誠嘗  
糞甘苦以爲欣戚有司以節孝旌其門

劉輝字文華祥符人行端學博尤精於醫與弟焯  
同居六十年友愛無間有司聞其賢聘爲鄉社  
師教人以存誠爲主弟子多以其學顯一時名  
士爭與之游李獻吉尤重之

朱安汨字公治新會恭簡王介子受鎮國將軍封  
母李氏爲恭簡王媵姬汨生七年恭簡王薨又  
數年汨出府不分一錢僦屋以居迨受封則以

勤儉治生稍稍豐足日奉甘旨供李歡李病卒

祥符縣志

卷之五

七十六

哀毀瘠甚援母以子貴之例奏於朝追封李爲  
一品夫人賜祭塋悉如制汨竟以悲哀成病歿  
於苦次

李鸞姊疾篤藥罔効鸞割股進羹而愈巡撫李永  
復其家得詔旌表

吳棟父病割股肉進父病愈

王賓父德病危割左股爲羹以進乃再生

龐慶父放有疾慶割股爲羹得愈

張進孝父病割股

劉進中母宋氏病割股以進母食之卽愈



劉光夫父患眼疾光大將左膊咬肉烹之父日再  
明

朱睦指河陰府宗室母潘氏病危割股奉食隨愈  
蕭文登母朱氏有疾醫治不効割股進食而愈

鄒元父及孟病傷寒服藥罔効元割股進食遂愈  
張一淮母劉氏病割股進食而愈

白思父奉疾割股和羹食即愈

朱勤燮鎮平府輔國中尉父睦持病醫者束手燮  
割股治羹進父遂愈

朱朝印汝陽府宗室母病篤割股奉即生

祥符縣志

卷之五

七十七

朱勤燮州城府宗室父病割股疾愈

牛進忠母病危進忠割左股肉以進病瘥

王朝母病危朝割股奉食病愈

李斌母卒廬墓事聞詔旌其門

史經周府儀賓母卒廬墓三年詔旌其門

張鳳父凱失明鳳事父能孝及父卒捐產營葬後  
母朱氏故哀毀廬墓三年喪妻不娶祖讓至鳳

五世同居

鄭官父病沒晝夜哭泣不離柩側既葬廬于墓朝  
父上食包土成塚



郭廷用生員母胡氏病竭誠醫禱病愈父卒哀毀  
不食及母卒合塋負土成坟守墓三年

張亮母王氏病故廬墓三年

楊儒母周氏病故廬墓三年

袁隆喪母廬墓隆死子尚化亦廬墓

萬年朱仙鎮保人母王氏卒廬墓三年

朱睦梁鎮平府鎮國中尉宗正安胤子母賈淑人

歿廬墓三年撫按具奏旌表

常惺字季默舉人父病試藥嘗糞及父卒廬墓三

年

祥符縣志卷之五

七十八

燕應坤祥符人家貧善事親有弟三人終身不異

爨其幼弟親所也川冰累至官當管坤叩而

請代官得其為親歿而料之

王霖號嶢嶸祥符人性至孝居父喪有白鳥巢簷

下服闋而去人以為孝感所致萬曆辛丑舉進

士歷官廣東道御史彈擊不避權貴人謂其移

孝作忠云

翟國器號重軒拔貢祥符人事母孝授生徒所得

束資咸以脩葺古以母命養舅氏老如養母焉

八



馬瑞麒字汲伯貢士事繼母至孝有弟五人同品

五十載

忠義

日星在天河獄在地忠義之在人也豈有異乎祥符當天地之中正氣所鍾捐軀瀝血者簡冊之紀載昭然父老之傳述有在是用留其聲名以香萬古獨是巨寇蹂躪之餘洪流蕩溺之後草野之人身死君父泯沒而不傳者可勝道哉余言之而不禁潸然出涕亦曰忠義之士固有幸不幸焉作忠祥符縣志忠義卷之五

七十九

義志

唐

格輔元浚儀人希元之弟舉明經武后時累遷御史中丞鳳閣鸞臺同平章事會鳳閣舍人張嘉福等請立武承嗣為皇太子輔元與文昌右相赫陽岑長倩謂皇嗣在東宮不書奏大忤諸武意來俊臣脇誣輔元與長倩謀反俱斬之子遵舉明經為太常寺太祝亡命中牟十餘年中宗即位遵訴父冤狀擢為贊善大夫



宋廷用漢儀 在唐為糧料使累遷史

中書門下 軍事判三司晉高祖有異志三

財債在太原者延朗悉調取之高祖以為深恨

及晉兵入古 即遂遇害

宋

任福字祐之開州人咸平中補衛士累官環慶路

副總管知慶州以破元昊功拜神龍衛四廂都

指揮使會元昊復入寇福力戰身被十餘矢有

小校劉進者勸福自免福曰吾為大將兵敗以

死報國爾揮四面鉄簡挺身決鬪而死于懷亮

祥符縣志忠義 卷之五

年

亦死之詔贈福武勝軍節度使錄其子及從子

凡六人

王珪開封人善騎射累官殿前第一押班元昊寇

鎮戎軍珪從任福連戰三日諸將皆敗福陷

中珪復深入賊營殺數十百人所用鉄鞭杵皆

撓曲手掌盡裂本擊自若日中矢乃還卒贈金

州觀察使

劉平字士衡祥符人乾興中為鄜延路副總管時

元昊寇延州平帥師與石元孫合兵往援與賊

大戰敵復蔽盾為陣平擊却之會府設機



水死者十餘人平左耳素頸中流矢薄暮離營  
以輕騎戰平退保西南山立柵自固三日敵兵  
四出合擊絕官軍爲二遂與元孫皆被執死之  
贈朔方軍節度使兼侍中謚壯武

郭遵開封人世隸軍籍遷殿前指揮使累官延州  
西路都巡檢使元昊寇延州出驍將楊言當遵  
遵揮鉄杆破其腦復持鉄鎗進所向披靡深入  
敵中敵攢兵射之中遵馬馬仆被殺贈果州團  
鍊使子四仁宗皆爲賜名曰忠嗣忠紹忠裔忠  
緒俱拜近侍官

孫節開封人以身勇補右禁侍從狄青有功青之  
討儂智高也以節爲前鋒遇賊于歸仁鋪中鎗  
而沒特贈忠武軍節度留後

郭恩開封人累官秦隴路兵馬鈐轄嘉祐中夏人  
寇卧牛峯恩與力戰被執不屈自殺贈同州  
觀察使

安扶開封人熹子靖康時爲給事中金入寇死之  
郭侯字同升祥符人以父任調東海縣尉歷遷通  
判全州權浮梁宰未行會賊張頂已逼縣境衆  
止之侯曰安逸則就艱危則辭非吾所學竟至



縣約束吏卒誓以死戰賊聞之僞降既人也  
變邑官竄伏候日吾爲宰義不可去端坐公署  
賊徒責候大罵不絕口遂遇害詔贈承議郎錄  
其後二人

張克戡字德祥耆之曾孫舉進士徽宗時累官知  
汾州金人攻汾克戡畢力捍禦諭其民曰吾不  
忍負國家辱祖父願與此城終始以明吾節衆  
皆泣曰願盡死聽命雖屢却敵而援兵不至及  
城陷猶率衆巷戰金人欲生致之克戡歸素朝  
服南向拜訖遂自引決一家死者八人事聞詔  
贈延康殿學士追諡忠愍

程迪字惠吉關封人父博古部屬延兵戰死迪以  
蔭受官宣和中從楊惟中征方臘有功累遷榮  
州團練使時金人人寇詔以迪提舉永興路軍  
馬措置民兵及永興破迪率其徒努力與鬪憤  
怒大呼口流血士皆感奮持短兵接戰數十合  
身被鎗幾徧絕而復蘇猶厲聲叱戰不已遂死  
之詔贈明州觀察使諡曰忠愍

呂由誠字子明諱之季子幼明爽有志各以蔭補  
官後通判成都府知雅嘉溫縉四川嘗有治績



有漢初徙都裝慶府...  
其來攻由譚與判官...  
破沈不屈死之

李震汴人靖康初金人迫京師震時爲小校率部三百人出戰殺人馬七百餘已而被執罵不絕口遂被害

同子韶字和卿開封人敏中之從孫舉進士累官東京轉運使時屬部郭奉世進萬緡羨餘戶部請賞之以勸天下子韶奏言近臣首開聚斂之端漸不可長士論避之高宗時出知淮寧府金人犯城子韶親擐甲胄率諸弟誓以死守仍遣人赴宗澤求援兵未至而城陷于韶爲賊所執不屈闔門皆遇害贈通議大夫謚忠毅

趙士隆祥符人天聖中爲邠寧環慶路都監與賊大戰而死錄其子滋

張叔夜字稽仲開封人靖康初以延康殿學士知鄆州四道置帥叔夜領南道都總管金兵再至欽宗手劄趨入衛叔夜卽自將中軍其子伯奮將前軍仲熊將後軍合三萬人與賊大戰斬金環貴將二人帝遣使齎蠟書以褒寵及城陷叔



夜被鎗猶力戰至白溝帥者曰過界河矣叔夜  
變然而起仰天大痛遂卒贈開封儀同三司諡  
忠文

何憲字仲源祥符人武選進士累官河東河北制  
置副使靖康初金師寇京師灌入援守京城西  
北隅拒戰二日被鎗沒于陣子薊閣門宣贊舍  
人從父戰亦死之紹興中贈灌忠正軍承宣使  
高貴祥符人寓居鎮江舉進士累官知高郵府扈  
從之海上擢樞密使與陸秀夫同死崖山

元

晉書志忠義卷之五

八十四

陳祖仁字子山汴人好學有文名至正初舉進士  
第一累官翰林學士除叅知政事朝廷之事多  
所匡正及順帝北遁祖仁爲亂軍所殺

韓因字可宗汴人負氣不群盜據汝寧官軍討之  
久不下會朝廷詔赦叛逆募可持詔入賊者因  
應命乃假以唐州判官使焉賊渠恐納詔不讀  
縱因歸報因出乘馬周賊屯大言曰汝輩良民  
何不早歸田里甘從逆賊驅使耶賊渠聞之追  
因責其所言因極口肆詈賊怒遂被害



王良字文信祥符人華除間累官刑部侍郎出

浙江肅政按察使聞靖難師入京慟哭會文皇

遣使召之良語其妻曰吾生平以忠義自許今

事至矣乃索火衣冠端坐自焚死妻先投池中

而死見列女志

馬振宣武衛指揮祖俊父義皆死于戰正德中流

賊作亂振率衆討之至湖廣應山縣大戰而死

事聞詔建世忠坊以旌焉

李惠字德卿社符人兵部尚書鉞之子正德丁丑

進士授行人車駕將南幸惠抗疏諫止上怒杖

祥符縣志忠義

卷之五

全五

之卒嘉靖初贈監察御史子昇以蔭仕至姚安

知府

王正志字淑明黃縣令中遠子舉萬曆戊戌進士

授陝西富平縣知縣其為治右善鋤強邑中權

貴及大猾皆心懼不敢犯會礦稅後與中使乘

傳四出為虐閔中中使梁永視諸省殘暴尤其

富平部中下賴子弟及富民怨家多附承煽嚇

富民奪財產榜笞熱刺發屋雜埋百姓不能保

朝夕正志捕部民從承為奸者收治之姦民亦

陰持縣事以求中承怒正志乃具疏列承貪虐



沈永亦誣志阻撓礦稅有旨逮械至京榜  
之數十繫北寺獄正志恥群書讀不輟著有定  
性

廉時郡中有豪家坐法郡守蘄州劉公欲寬之  
令持貴謁正志卒不受人有過而折於所容讀  
書至忠臣烈士卽泣下私心向之竟以是及禍  
張綸字大經祥符人通春秋補開封府學生嗜酒  
負氣好與人決不平正德間惡璫廖堂鎮河南  
堂弟鵬以媚事逆瑾得錦衣衛指揮肆行殘虐  
綸密疏鵬諸不法事將赴闕訐奏鵬持金請綸

祥符

卷之五

求解綸斥之鵬誣以他事下獄綸大罵不屈鵬  
乃大杖箠之析楊立于市陷獄卒馬玉殺之死  
日見夢于母曰兒爲鵬殺矣當請于帝也死三  
日馬玉畫見綸立死世廟政元鵬與子鎧皆誅  
都任字宏若祥符人萬曆癸丑進士由南兵部武  
選司主事累遷陝西左布政使備兵榆林馭軍  
撫民多善政會聞賊破長安所至風靡公膺孤  
城固守之賊持偽諭求公焚而梟其人夜勒兵  
入賊壘斬燬無算賊敗去賊祖塚在任轄邑在  
發之燬蛇一蟻斗賊大舉衆圍城陷遂遇害



帶亦誣奏正志阻撓礦稅有旨逮械至京  
之數十繫北寺獄正志取群書誦讀不輟所著  
有定性諸書繫三年卒于獄正志性孤介家世  
清貧爲孝廉時郡中有豪家坐法郡守蘄州劉  
公欲寃之令持貲謁正志卒不受人有過面折  
亡所容人皆以嚴見憚讀書至忠臣烈士卽抗  
慨泣下私心向之竟以是及禍

張綸字大經祥符人通春秋補開封府學生員嗜  
酒負氣好與人決不平正德間惡璫廖堂鎮河  
南堂弟鵬以媚事逆瑾得錦衣衛指揮肆行殘

祥符縣志

忠義

卷之五

全六

虐百姓重足而立綸密疏鵬諸不法事將赴闕  
訐奏鵬持金詣綸求解綸斥之鵬誣以他事下  
獄綸大罵不屈鵬乃大杖箠之桁揚立于市喙  
獄卒馬玉殺之死之日見夢于母曰兒爲鵬殺  
矣當請于帝也死三日馬玉白日見綸立死世  
廟改元鵬與子鏡皆論死

都任字宏若祥符人萬曆癸丑進士由南兵部武  
選司主事累遷陝西左布政使備兵榆林禦寇  
撫民多善政會闖賊破長安所至風靡公將取  
賊固守之賊持爲諭來公焚而梟其人夜勦兵



賊勢斬燬無筭賊敗去賊祖塚在任轄邑  
發之燬蛇一蟻數斗賊大舉衆圍城陷遂逼  
堅府庠生宿寇攻城矢石不能禦堅獻懸獲  
以擊之晝夜站梁積瘁死

世英號劔斗汴人明經任商丘學教諭闖寇破  
歸德城破英持刀罵賊死于明倫堂東妻石氏  
逐自然見列文志

李春貴汴人造擊忠勇過人闖寇犯汴春單騎奔  
往酣戰逾時賊死傷無筭右腕中矢恐為賊執  
逐別

祥符縣志 卷之五

王有根庠生鄉宦之壘子闖寇二次攻汴根督義  
勇社直入寇營中箭而殞官瘞之

梁魏都白亮承 陳宗朱俱守汴將闖寇攻城皆  
戰死

史可法字道林祥符人祖居城西狼城崗崇禎  
辰舉進士累遷總漕都御史多惠政而風紀凜  
然民愛且畏明末乙酉以大學士兼兵部尚書  
出鎮揚州城破死之遺有乞骸骨蓋鍾山書  
者莫不流涕



張堅府庠生值寇攻城矢石不能禦堅擊賊遂盡  
以擊之畫衣身勢移死

夏世英號錫斗祥符人明經任商丘學教諭闖寇  
攻歸德城破英持刃罵賊死于明倫堂東妻石  
氏遂自縊見列女志

李春貴汴人遊擊忠勇闖寇犯汴春單騎奮往酣  
戰逾時賊死傷無算右腕中矢恐為賊執遂刎  
王有根庠生鄉宦之壘子闖寇二次攻汴根督義  
勇社直入寇營中箭而殞官瘞之

陳宗朱梁魏都白亮承俱汴將闖寇攻城皆戰死  
祥符縣志忠義卷之五

八十七

阮泰字熙陽尉氏籍祥符人由開封府學貢監授  
山西大同府廣靈縣知縣多有政績時值甲申  
闖寇之變泰衣冠向

神京痛哭叩拜絕食而  
卒後祀鄉賢妻朱氏隨夫同死難氏見列女志  
史可法字道林祥符人祖居城西狼城崗崇禎戊  
辰舉進士累遷總漕漕都御史多惠政而風紀凜

然民愛且畏明末乙酉以大學士兼兵部尚書  
出鎮揚州城破一死之遺有乞骸骨葬鍾山書讀  
者莫不流涕

國朝



楊鏞字泗水汴人官生任襄陽知府值總兵王光  
恩叛鏞被執負義不屈遂被害

高元美字君實祥符人功貢生歷任兗州府黃河  
同知歲戊子山東李賊陷曹邑賊逼從立志不  
辱罵賊而死

隱逸

易云天地閉賢人隱論其時也抑思唐堯在上類  
水箕山徜徉自樂者果何為哉不惟其時寔惟其  
志矣亦自夷門監者而外代不乏人泉石膏肓即  
其矯枉過中乎然而獨行其志起儒廉頑猶愈于  
廷符縣志隱逸卷之五  
蕭終南山為捷徑者矣作隱逸志

漢

符融字偉明浚儀人師事少府李膺善談辯州郡  
請舉孝廉公府連辟皆不應會以黨事遭禁  
錮妾亡貧無殯歛鄉人欲為具棺服融不肯受  
曰古之亡者棄之中野唯妻子可以行志但即  
上埋藏而已同郡田盛亦知名優游不仕並以

壽終

晉

黃安字仲道陳留浚儀人也素始初到洛下不



祿求榮及楊后廢養因游太學升堂嘆曰建斯  
堂也將何以爲乎每覽國家赦書謀反大逆皆  
殺惟殺祖父母父母不殺者以爲王法所不容  
也奈何公卿處議文飾禮典以至此乎人理旣  
滅大亂作矣因著無化論以非之永嘉中洛城  
東北步廣里中地陷有二鷲出焉其蒼者飛去  
白者不能飛養聞嘆曰昔周所盟會狄泉卽此  
地也今有二鷲蒼者胡象白者國家之象其可  
盡言乎顧謂謝鯤阮孚曰易稱知幾其神君等  
可深藏矣乃與妻荷擔入蜀莫知所終

祥符縣志卷之五

南北朝

白履謙浚儀人博通經史居古大梁城時號梁丘  
子景雲中召爲校書郎棄官去開元中召赴京  
師辭病老不任職詔拜朝散大夫乞還手詔許  
游京師徐返里閭謙留數月乃去

明

張清字澄甫其先新都人長身玉立博涉經史而  
隱於賈客游大梁遂家焉慷慨重然諾與物無  
競人有負子錢貧不能償輒折券不復問見困  
窮孤獨者傾囊助之故人正講館於大梁以金



三百寄清未幾性苑通旅人無知者請召其子  
歸之金封識宛然里人益高其行卒葬大梁門  
外里人呼爲張隱君墓云

張民表字材宗其先中牟人居祥符弱冠舉於鄉  
隱居不仕工古文辭以草書名天下築圃滿植  
菊日對吟嘯行事率超宕有晉人風所著詩累  
屋稿悉付于水中門人周亮工得之傳誦者  
梓行于世

朱謙字澹軒祥符人歲進士隱居不仕性狷潔對  
妻子不苟嘖笑與友人課大梁書院途遇雨衆  
趨去謙行自如群號爲聖人弟子日進多有貴  
顯者

祥符雜志卷之五

九

趙喬星字養明負性穎異弱冠入庠其意致卽  
在塵囂中以藏記授生徒官保勳公昌出其門  
下年逾七十猶晨夕講學不倦咸稱爲道隱先  
生

國朝

劉承胤明世揮使三中武科累陞山東副總兵以  
城守功加都督同知改物後偕弟恭將承訓種  
瓜三里岡足絕跡城市蓋近古東陵也



九十一頁原缺



土以完園塋時松四百武后時其門閭

董德人爲貞直言妻直言坐事貶嶺南以妻少乃訣曰生死不可期吾去可亟嫁無須也德真不答引繩束髮封以帛使直言署曰非君手不解直言貶二十年乃還署帛宛然及湯沐髮墮無餘

宋

永泰縣主太祖從孫女性孝敬勤惰女誠年十四歸元班嚴直祭于才克執婦道事舅姑孝謹子才亡時永泰年二十二哀毀幾隕諸族欲奪志

永泰縣志卷之五

永泰以節自誓終身不渝初封其康郡君元封中加今封以褒榮之

朱氏開封民婦夫日與俠少飲博犯法徙武昌父母欲奪而嫁之其夫將行一夕朱自縊死且口及吾夫未去使知我不爲不義屈也吳克時爲開封判官作阿朱詩以記其事

倪氏孟志剛妻祥符人志剛家貧無子志剛病死倪氏令匠寬其棺是夕祭其夫自縊死

元

李氏丁尚賢妻汴人年二十餘有容色至正中賊



至欲虜之李愨曰吾家六世義門安能從賊以辱身乎闔門三百餘皆遇害

明

王良妻 氏祥符人建文時良爲浙江肅政按察使文皇靖難師入京召良良語妻曰吾平日以忠義自許今事至矣汝意如何妻慨然曰大丈夫見義勇爲何謀及婦人公能爲忠臣我獨不能爲義婦乎良自焚而妻已先投池中矣

貞烈妃張氏祥符人爲羅山恭悼王妃宣德中王薨妃自殉事聞賜謚貞烈

祥符縣志

卷之五

九三

時氏魏安仁妻祥符人安仁舉進士爲給事中謫翁源縣典史卒于官時年二十三事舅姑甚謹日以女工易甘旨母家素饒時有餽遺悉却之日以養舅姑而累親吾不願也宣德中旌表史氏女祥符人年十五許胥氏子未娶而死女聞白父母往弔之至則遂服其喪及暮父母欲載之歸女曰夫舅姑何以爲養竟終於胥氏之室宣德中旌表

貞烈妃鞏氏祥符人周憲王妃正統初王薨妃自

經上嘉其行賜謚貞烈時夫人年二十餘薨陳李



六人同日死節俱謚貞順附葬憲廟

左氏周簡王姬勝祥符人景泰中王薨左卽自縊于室中外莫不悲之

陳烈女祥符人年十八聘楊瑄無何瑄卒女痛哭欲行弔之父母不許女乃剪髮屬媒氏致之瑄母以定婚帖褻其髮置瑄懷中葬焉父母謀改聘女縊而死後五十二年瑄侄永康改葬瑄而求陳氏骨合焉二骨朽矣髮與定婚帖獨鮮完葬三年有岐穀丫瓜產于墓

蔡氏內鄉王夫人祥符人王未襲爵夫人亦未受妃封天順末王薨夫人卽自縊死事聞上嘉其節遣使以祭焉

祥符錄卷之五

十四

楊氏黃士謙妻年二十士謙卒自縊死

劉氏燕從義妻夫卒守節事聞旌表

楊氏黃大妻夫病篤語楊曰汝年少善事後人楊泣曰旣爲汝妻安得再嫁黃卒楊亦自縊

于氏周懿王勝姬得幸於王生子同鏘王薨于有身六月十抱孤於懷府膺大慟曰吾以一死報王天若憫予惟孺子是救遂自縊於西宮後子同鏘封新會郡王



高氏夏永昌妻祥符人娶三月而永昌死高欲從  
之家人防之甚嚴則日至主前焚香竊視曰永  
昌俟我其毋知之泣謂之曰汝今十九年耳奈  
自縊死

劉氏耿英妻夫卒守節弘治末旌表

劉氏魏相妻相死劉卽欲殉祖姑王乃與同寢與  
之達旦給其祖姑曰我渴甚祖姑往取水遂自  
縊時年二十一

王氏孫林妻林死王潛詣園樹自縊死

祥符錄

卷之五

九五

張氏田孝子妻祥符人孝子名銳嘗割股療母病  
毋死廬墓三年於是稱田孝子云孝子有甥宿  
舅肆中而夜殺其隣肆客盜其財因逮孝子獄  
二下何孝子死出其尸墻爲之崩張氏哭曰我與  
銳夫婦二十年矣彼能爲孝子我獨不能爲節  
婦耶遂自縊

張氏李傑妻祥符人年十八歸傑踰年而夫病且  
死握其手訣曰我死汝必更適善侍後人妻泣  
矢之曰君死妾死不願更也傑死張氏謂樵人  
曰棺大之夫性喜寬大也其父母曰棺第狹之



勿大梓人爲狹其棺張氏哭毀其棺曰不大不棺也棺成自縊而死遂同棺而葬

張氏柳金妻祥符人居通許年三十而金死自誓不更嫁同邑有谷姓者謀娶之金兄玉利其產許之詐稱張母病召歸至途中乃覺卽裂其衣欲縊而衛者甚嚴張旣至谷欲犯之張唾其面曰我家雖微豈從汝爲狗彘之行哉谷慙鞭之數百竟不從至旦而死

呂氏楊能妻祥符人夫卒守節嘉靖十七年旌表

張氏陸淡妻年二十四淡死無子張守節不二以

祥符縣志

卷之五

左六

姪繼夫之後撫育甚悉孀居四十五年嘉靖二十四年事聞詔旌表

周氏王茂才妻祥符人夫卒自縊嘉靖二十五年旌表

馬氏蔡銓妻祥符人銓舉進士仕爲行人而卒銓素廉介家貧甚馬時年三十有一乃治女紅以爲食誓不易志後姪珮迎養於家守節五十餘年卒嘉靖初旌表

鄭氏黃恩妻夫卒守節嘉靖二十五年旌表  
尚氏鍾秩妻秩死尚年十九自誓守節終身



劉氏汝寧端恪王宮人祥符人嘉靖開王病劉  
神祈以身代及王薨劉具素衣哭告於王自縊  
死事聞旌表

楚氏鎮平府奉國中尉朝咭安人祥符人生之夕  
其母夢烈日中雨雪比長從其兄受孝經論語  
選配朝咭受封安人咭疾革安人以死自誓乃  
以簪珥綺衣進其姑其他盡頒諸侍人咭氣未  
絕安人先自縊死

田氏張明德妻夫卒姑年六十有六三子俱幼田  
績紡奉姑撫孤成立守節四十餘年子禔登甲

卷之五

九七

辰逢主以子貴封太安人事聞旌表

張氏千戶田浩妻浩病故守節五十九年奉例旌  
表

路氏汝陽王府鎮國中尉睦棹妻封恭人中尉奉  
守節五十九年兩院奏准旌表

劉氏張鶴妻年二十五鶴卒子守中甫三歲苦節  
撫孤孀居五十餘年事聞旌表

王氏浣相妻祥符人相故王年三十有六遺孤方  
四月紡績數千守節五十餘年事聞旌表

孟氏生員司我諫妻諫病故孟卽不食後夫十一



日而卒事聞旌表

王氏史泰妻姑任氏病王刲股以進姑病尋愈

史氏何鳴朝妻祥符人良醫史仕女歸鳴朝三年

舉一子獻圖鳴朝尋卒史氏年十九家貧甚翁

姑具在史氏秉節撫孤紡績以供翁姑養四十

餘年如一日事聞旌表以獻圖貴贈太宜人

丁氏宋氏臨安府知府牛可麟妾可麟卒丁宋俱

不食死

何氏富平縣知縣王正志妾祥符人正志與惡瑄

執奏逮死詔獄何氏聞訃自縊死

祥符縣志卷之五

九八

一失氏鎮平府鎮國中尉睦菓女年十六嫁祥符縣

民李從謙夫亡年方二十有一男僅周歲欲死

以殉媪母勸解以親老子幼朱勉存守節五十

餘年御史楊具題旌表

關氏袁永嘉妻夫卒關不食至二十四日死

陳氏田文見妻田卒陳年十九不食九日死

王氏李士魁妻夫故自縊死

朱氏生員傅士選妻士選卒朱後五日縊死

趙氏高維嵩妻嵩故趙不食十二日卒

劉氏李慙妻慙故劉氏年二十守節五十餘年



投旌表

張氏方繼典妻年二十繼典故無嗣立族于世選  
為嗣守節二十餘年卒

李氏吳道立妻道立卒李守節四十餘年壽七十  
卒提學副使衷貞吉旌之

王氏汝陽府奉國將軍睦櫛淑人櫛卒王守節四  
十餘年

錢氏李知妻知卒錢守節五十餘年有司旌其門  
鄭氏御史鄭封女朱光普妻從父宦京師值甲申

變抱未週歲女投御河死氏媵朱氏封弟達妻

存行錄卷之五

九十九

也抱幼子追之亦投河死人傳為双節

張氏朱道行妻年二十夫逝撫幼子脩嘗諸苦住  
汴東北角橋嘗戴笠夏耘會劉扁子亂被執欲  
辱之罵賊遇害

劉氏鄉宦劉不息女邑庠生張名世妻夫亡年十  
九撫一女守節終身

范氏邑庠生范一鶚女適朱姓逸其名適未一載  
朱死氏年十八屢投繯家人解之後朱殞出氏  
以頭叩棺氣絕同穴葬之聞者莫不悲悼

焦氏童生劉爾馥妻寇圍汴火夫被城採草食中



夫死後其自縊

某氏梁天才妻工平河央入汴夫婦乘筏北渡至

仁和門遇賊船執夫婦登城欲污氏給之曰幸

逐夫去賊逐之氏見夫去隨投城下水死

孝氏祥符人醫官吳鶴鳴妻生而端莊言笑不苟

事姑惟謹夫逝氏年三十撫三子成人皆孝壽

八十八終有司扁其門曰永矢柏舟

三武夏世英妻從夫任歸德府學博遇元寇破城

日盜死

善兵廉貢劉夢丙妻事公姑以孝聞年二十一五夫

卷之五

亡守節九熊教子昌成進士官至官奉前書勅

建坊旌表

秦氏劉從弼妻夫歿氏年二十二守志自誓隨侍

祖姑楊氏孀姑王氏三孀同居時翁老于幼克

全孝道撫子成立苦節四十一年年六十三歲

崇禎年有旨建坊旌表

國朝

郭氏許國朝妻二十九歲夫故氏不願生欲投緦

家人阻之守節四十餘年撫四子成立一子康

翁弟子貞年七十七



夫死氏聞遂自縊

蘇氏梁天才妻壬午河決入汴夫婦乘筏北渡至  
仁和門遇賊船執夫婦登城欲汚氏給之曰幸  
逐夫去賊逐之氏見夫去隨投城下水死

李氏祥符人醫官吳鶴鳴妻生事姑惟謹夫逝氏  
年三十撫三子成人皆孝壽八十八終有司扁  
石氏夏世英妻從夫任歸德府學博遇流寇破城  
自縊死

趙氏原貢劉夢丙妻事公姑以孝聞年二十五夫  
亾守節九熊教子昌成進士官至官保尚書勅

祥符縣志

卷之五

百

建坊旌表

秦氏劉從弼妻夫歿氏年二十二守志自誓隨侍  
祖姑楊氏孀姑王氏三孀同居時翁耄子幼克  
全孝道撫子成立苦節四十一年年六十三歲  
崇禎年有旨建坊旌表

國朝

朱氏祥符人廣靈知縣阮秦妻與夫同死甲申難  
郭氏許國朝妻二十九歲夫故氏不願生欲投繯  
家人阻之守節四十餘年撫四子成立一子康  
備弟子員年七十八



張氏舉人張祥升妻升扶病八戊子聞及發棧提  
音至逾時氣絕王時隨祥升父任陝南計遂投  
衙內并死水香三日啖無食會 題其事

趙氏邑庠生趙文世女劉芳美妻年二十九歲夫  
死誓守節家人以無子故勸之終不聽也紡績  
以事翁姑人傳廿八貞孝

劉氏李吐花妻庠生李仁品母年十九而寡子三  
歲不食者七日誓以死殉翁姑力勸之復食事  
翁姑死盡禮苦節五十餘年鄉里公舉府縣

旌其門  
康氏祥符人  
過已子嘗  
而盡其孝愛切  
聖稱賢婦

張氏表翰林禧如孀人田申之變扶姑抱子避兵  
遇寇驅逼不從項受而門外氣垂絕禧如夜覓救  
是創經年而始合今之斃痕猶紫紫環頸也始終  
無恙子已入庠人服其苦烈

王氏祥符人號有寧妻姚維旺母幼奉公姑孝行  
重於閭里及經流離守節弗渝各道本縣扁獎

孫氏 幼寡妻 守節 扁獎

節四十年



婦人夢婦若守節今至八旬教子王再興登  
科進士當道扁其

教妻敬死守節終身教子秉正為弟子員  
妻其門

氏趙文舉妻夫死自縊縣扁其門曰誓死從夫  
氏邑庠學生高日厚妻明經猷豐薛公女年二

一歲夫故守節事翁姑孝撫幼子艱辛備嘗  
始終如一

氏茂才劉。妻夫故氏年二十八歲守節侍  
姑張氏甚謹以節孝名

續存雜志 列女 卷之五

氏李世科妻年二十七歲夫死守節終身

薛氏邑庠生員劉達源妻年十九源死氏誓志守  
節歷二十年如一日

朱氏郝聖瀨妻祥翁人生子階甫六歲而聖瀨病  
及苦節自厲姑病割股和糜進之闖寇決水灌

城氏扶姑携幼子登郡城樓得免寄居封丘之  
牛場村姑歿殯葬成禮後復還葬祖塋皆節婦

力也訓其孫長彩補入弟子員守節四十四年

續表

事 閱



卷之五

百又二

遊寓

邑故大梁墟也魏整招賢于興氏嘗稅駕焉其後  
為東京又為五代趙宋定鼎地至今猶儼然一大  
都會矣四方名人碩士或宦遊茲土而因以家或  
定交上國而不忍去邑多長者跡是亦與有榮施  
也地以人重豈盡在生長于斯者哉作遊寓志

周



孟軻鄒人受業于思之門人道既通游事齊宣王  
宣王不能用梁惠王三十五年王甲禮厚幣以  
招賢者軻至梁王曰寡人不佞兵三折於外以  
羞先君宗廟甚醜之與不遠千里辱敝邑之廷  
將何以利吾國軻曰君不可以言利上下爭利  
則國危亦有仁義而已矣何以利爲

淳于髡齊人滑稽多辨梁惠王三十五年至梁王  
與語三日夜欬待以卿相之位因謝去

漢

鄒陽齊人事吳吳王濞有異謀陽上書諫不聽適

群賢集志

卷之五

一百三

梁從孝王游介於羊勝公孫詭之間勝等嫉陽  
惡之孝王下陽獄陽客游以讒見繫恐死而負  
累乃從獄中上書孝王出之以辭賦鳴于梁爲  
上客

枚乘字叔淮陰人爲吳王濞郎中吳王有邪謀乘  
諫不納去之梁從孝王游景帝召拜弘農都尉  
乘不樂都吏以病去後游梁孝王薨歸淮陰乘  
子臯事梁共王過譙請關自誦武帝帝得之大  
喜詔使賦平樂館善之拜爲郎

司馬相如字長卿蜀成都人好書學擊劍以貴



為郎事孝景... 孝王命與郡陽牧... 子虛賦孝王卒後賜...

唐

高適字達夫渤海人舉有道科授封丘尉累遷至... 諫議大夫五十三歲始學詩詩即工與李白杜... 甫登眺吹臺賦古天梁...

宋

賈昌齡字延年其先鎮脩人以往遷開封祖瑛...

密直學士... 密直學士... 密直學士...

密直學士... 密直學士...

孤師事翰林李宗諤登進士為浮梁尉俗有服...

毒草相聞死而誣告者立雪其冤累遷職方...

員外知衛州在刺衛州者相繼死或謂昌齡改...

署則吉昌齡曰死生天乎人何能為之任竟無...

恙拜太常卿直昭文館鎮南海卒於官

為元字道宗始平人三世事嶺南為日官隨劉鋹...

歸宋因家開封舉進士累官國子直講真宗召...

講周易泰卦元推君臣交感之義上大悅仕終...

日官... 鄭卒贈尚書監章...

至且字子明大名人使祐太平興國初...



因家於汴且舉進士官至右僕射遷至太尉  
下稱爲賢相卒謚文正

錢惟演字希聖杭州人父吳越王俶歸宋賜第閭  
封因家焉惟演有俊才累官兵部尚書樞密使  
改崇信軍節度使卒於官贈侍中謚文僖從弟  
晃進士及第累官右諫議大夫易累官翰林院  
學士

劉安世字器之魏人初舉進士不就選從學于司  
馬君實已而調洛州司法累遷樞密都承旨數  
有論諫章惇惡之屢貶新州別駕安置英州同

祥符縣志

卷之五

百五

文館獄起蔡京乞誅安世纔雖不行猶徙梅州  
惇等又使人將要殺之其人斃得免及京相連  
七謫至峽州羈管稍復承議郎卜居宋都卒葬  
祥符後金人發其塚貌如生相驚曰異人也爲  
之蓋棺乃去

元

李鐸字振文其先廣平人徙居大梁始以吏才累  
官至南康路總管所至有能聲卒葬開封縣章  
田村

羊仁廬州廬江人至正初北兵南下仁家爲所據



父被殺母及兄弟皆散去仁七歲鬻爲汴人李  
子安奴力作二十餘年子安憐之縱爲良民蹤  
迹得毋於潁州兄于睢州弟于鄆鄉皆爲後進  
無恙乃獨懇親故貸鈔百錠歷詣諸所求贖之  
經營百計更六十年乃得遂大小二十餘口復  
聚居爲良孝友甚篤鄉里嗟之大德二十年旌  
其家

明

薛瑄字德溫山西河津人父貞永樂中除鄆陵教  
諭瑄隨父任遂補弟子員舉庚子河南鄉試第

祥符縣志

卷之五

一百六

一明年登進士授監察御史手錄性理大全潛  
心誦讀深有所得著讀書錄正統初轉山東提  
學僉事遷大理少卿以平獄忤王振免歸已巳  
起爲大理寺丞尋陞南京大理卿天順改元召  
爲禮部右侍郎兼翰林院學士入內閣知制誥  
復遷左侍郎時石亨等亂政瑄乃乞休歸卒贈  
禮部尚書謚文清隆慶中詔從祀孔子廟

曹燁字石帆徽州人從父商於汴幼穎悟未冠能  
屬文覽典籍悉如故年十八補部弟子員弱冠  
登賢書越四載成進士以部曹典蜀試時



道凡遠山長流古楓斷碑咸點綴成章載所種  
星軺書中典麗可法所取七十人多知名工

畢今梁西洋人有異術兼通曆教崇禎初至祥符  
薦紳先生多從之游上官扁其門曰西園鴻儒

國朝

胡士梅字爾訓遼之金州人初令祥符繼任興屯  
道多德政後備兵洮岷丁艱寓汴築葵園日坐  
吟嘯著有屯餘篇梓于世士人多從之游

盛治字霖襄江南揚州人己丑進士任河南管河  
道以疾退家于汴喜以文誨人十多有進而受

祥符縣志 卷之五

百七

業者

方伎

方伎小道致遠者奚取乎然而一藝不成亦苦  
所耻也吾汴素號名區醫卜之奇書繪之工或可  
以濟當時或可以貽後世蓋往往而有焉進而敢  
之豈僅作牛溲馬渤觀哉作方技志

唐

韓幹善人善寫馬及山水人物鳥獸王維見之賞  
鑠遂薦授官至大府寺丞好古家尚收藏其為

五代



趙修已浚儀人少精天文推步之學晉天福中滑  
州節制李守貞表爲司戶叅將留門下每送守  
貞出征占候軍事多中及守貞鎮蒲津陰懷異  
志修已諭以禍福不聽遂辭疾歸明年守貞果  
叛而修已不與其難周世祖鎮鄴奏叅軍謀會  
隱帝誅楊邠等將宥世祖修已知天命所在勸  
世祖南渡自許世祖然之及卽位改鴻臚卿遷  
天司監

宋

楚衍開封人少通四聲字母又於九章緝古綴術  
群舒縣志方伎

卷之五

一百八

海島諸筭經尤得其妙明相法及聿斯經善推  
步陰陽星曆之數聞諸休咎無不中仕至天司  
監有女亦善筭術

許希開封人以醫爲業補翰林醫學景祐元年仁  
宗不豫衆醫莫能治翼國太長公主薦希希診  
曰鍼心下包絡之間可亟愈左右爭以爲不可  
諸黃門所以身試試之無所害遂以鍼進而帝  
愈命爲翰林醫官賜賚甚厚官至殿中省尚藥

奉御

王說字晉卿尚英宗女蜀國公主爲利州防禦使



雖在戚里而其被服禮義學問詩書常與寒士  
角平居屢去膏梁黜遠聲色而從事於書畫作  
寶繪堂於私第之東以蓄其所有東坡爲之記  
東軒亦贈詩云錦囊犀軸堆象床又年連幅翻  
雲光手披橫素風飛揚卷舒終日未用忙游意  
淡泊心清涼屬目俊麗神激昂其所畫山水李  
李成皴法以金礫爲之似古今觀音寶陀山狀  
小景亦墨作平遠皆李成法也故東坡謂晉卿  
得破墨三昧有烟江墨嶂圖房相宿因圖及山  
陰陳迹雪溪乘興四明狂客西塞風雨圖著色  
山水等圖傳于世

楊澤字潤夫祥符人始以明經進士業善文詞金  
季科舉廢隱於野潛心醫術後仕元辭職年七  
十六而卒追贈榮祿大夫司徒程國梁公謚曰  
懿

楊元直字大方澤之仲子繼父醫業以著書歷仕  
世祖成英泰定數朝官至明文館大學士兼大  
醫院事掌醫卿卒贈光祿大夫河南北行中書  
省平章程國追封梁國公謚忠穆



周溥字文淵其兄會帶人國初徙居汴中溥穎敏  
有學及長患羸疾自度弗起遇南郡高子明療  
之而愈溥遂從之受脉書及諸秘方且錄且讀  
三年盡其術療病無弗愈於是四方迎謁者絡  
繹不絕人有贈貽粟帛之外寶玩奇貨悉謝弗  
受宣德中以耆宿詔給冠帶年八十七而卒

李信字用誠祥符人其先世業小兒醫趙宋時有  
醫皇子瘰癧者予之官不受賜以金鐘懸諸門  
故號金鐘李氏信坦易誠懇有迎之者無遠近  
風雨暝晦皆身親歷之一視則生死立決當天

壽封縣志 方使 卷之五

順成化間名動諸郡太守括蒼金文雅重之嘗  
賦安幼堂詩以贈子敬亦精其業

史仕字若顯周府良醫正九世祖全業幼科醫居  
於中本繁初任周府良醫因徙汴自全到仕凡  
十代皆以醫顯名仕精於素問難經諸書治病  
能察虛實依病制方無弗取驗德清蔡中丞撫  
豫南時子方二歲病痺發熱諸醫皆用芩連熱  
愈甚或薦仕任仕疹脈法應補蔡初難之仕力

至其方陰用劑子佐參芪一服卽安寢思今  
張太守入教藥而愈蔡神其術携至京



張周府良醫正其他療病全活者不能具悉壽至八十七乃終

張路祥符人號平山以號行於世少聰慧見吳道子戴文進所畫人物山水最鍾愛之時加臨摹奇其神筆法蒼勁以畫成名入貲爲太學生而不喜衣冠任質自放縉紳先生皆樂與之游路雖以畫名天下而恬退無所營終路之世門巷蕭然

張似山平山裔也性嗜畫類乃祖風繪山水里人尤珍之

祥符縣志方傳

卷之五

一百七

張紀山圖花卉羽虫重於世人相傳日前有平山後有紀山教于士鶴魁於鄉爲亦名頌

鄭鑑字尚宜業醫療病多神異問奇探秘年逾七著述不輟有續醫說醫書百册杏花春曉堂方法考諸書行於世子名河號星源亦以國手名嵩渚獻吉川甫中川諸先生悉傳贊之

鄭羅號繼源業儒性敦孝友少讀書盈屋酣黃魯直筆意晚爛聲律以父河遺教工於醫術盛梁宋間教子封成進士爲御史

李可全精醫能研紫書不計利全活甚多號神醫



艾應奎字文所祥符人為周府良醫精脈理製方不膠前人療病多奇中群醫咸則之

左禎字青岱其先臨清人居祥符善繪畫圖山水尤工亦能詩所著有布衣艸當道大人咸重之年未強卒聞者咸悲悼

仙釋

二氏感世久矣學孔孟者闢焉至欲並其名而黜之則亦有弗能者明太祖有云其佛仙之靈暗助王綱出世之學亦入世者所不廢也祥邑雖無名祥符縣志仙釋卷之五

山幽澗足以棲寄真人然而大乘法門上昇異品亦有接踵而起者矣是安可以泯沒哉作仙釋志

宋

張拱汴人舉進士不第賣藥宜春門忽有道士抵其肆授以枣七枚食之自是踰二年瘦矢俱絕神氣明爽日可行數百里後遊名山不知所終郭上竈不知何許人天禧中以傭淪湯滌器汴州橋茶肆中一日遇昌齡隨去天墮末如磁州謁趙長官曰大教重盡願施一小室乞於棺首窆一穴插通節竹於穴中以通氣明日汲水浣身



臥槐下遂絕趙異之依其言墓于河岸是秋水漲趙往視之獲棺無尸

張九哥慶曆中居汴京雖盛冬單衣流汗浹而燕王奇之嘗召見與之酒歲餘見王曰將遠游故來別有小技欲以說王乃索黃羅疊剪爲蜂蝶狀隨剪飛去莫知其數少頃呼之蜂蝶皆來復爲羅王曰吾壽幾何曰與開寶寺浮圖齊後晉圖災王亦薨

侯先生不知何許人慶曆間賣藥京師年四十餘無鬢眉痛贅隱起偏肌體常半醉直與丐者同

處有馬元者盛夏隨之出閭闔門浴池中元因就視乃一蝦蟆元遽引退浴出着衣元乃前揖之侯笑曰子適見我乎乃召元飲酒肆中出藥一粒曰服之令子壽百歲此後不復見

文通慧姓張氏名文汴人脫俗白雲寺師令掌廩盥盆有市鮮者沃於盆文偶擊之仆地死文懼奔華州總持寺久之爲長老忽曰二十年前一段公案今日當了衆問其故曰日午當自知之遂趺坐以待時張浚統兵至闕一卒持弓矢至矇目視文將射之文笑曰老僧候久矣卒曰一



見卽欲相害不知何訾文語以故卒與曰冤冤  
相報何時了劫劫相纏豈偶然不如與師俱解  
釋如今立地在西天視之已立化矣文通慧卽  
索筆書偈云三十三年飄蕩做了幾番模樣誰  
知今日相逢却是前生魔障書畢泊然而化  
劉從善別號浩然子西洛人幼明敏雅好玄學大  
中祥符中師王太和於京師建隆觀五年試業  
爲道士天聖初以乾元節賜紫二年六月承旨  
允景靈宮侍宸三年八月降旨選精明經教勤  
貞焚修之士從善首與選賜正一法服冠履劔

佩上諭以先帝忌辰令神御前咒食持誦乃編  
輯三制經傳頌以爲仙駕尋進咒食文上嘉之  
賜號全素大師仍以其文頒諸宮觀而咒食之  
文自從善始至和二年乙未正月仁宗不豫召  
從善於大慶殿設醮奏章命執政代拜至夜伏  
奏章帝忽瞋目已數刻中外驚讐而從善良久  
方起曰章已達上帝有勅令聖回矣俄而帝甦  
聖體遂康從善累遷右街副錄服氣鍊形益勤  
後至熙寧三年七月二十八日沐浴淨而化年八  
十有一後有客見從善白馬入蜀託寄聲其弟



一 志言本姓許氏自壽州來居東京景德寺為僧  
休養書紙揮翰甚妙八分體遒勁初不可曉後多  
驗有具齋薦繪者即并食之臨流而吐化小魚  
群泳而去海客遇曰必且沒具僧持經而濟  
客至都下志言謂客曰非我汝亦何客猶記其  
貌真引舟者也後卒仁宗以真身塑像置寺中  
榜曰顯化禪師

明

張三才遼東人或云寶鷄人洪武初寓汴延慶觀  
禱符縣志 卷之五 一百五

時大理卿王宇為兒時三牛過其里而異之曰  
此兒他日必貴顯後果如其言天順二年羽化  
於成都鶴鳴山詔封通微顯化真人

一 勝安號古峯俗姓周勿禮彌陀寺戒律精嚴道行  
純潔嘗開講大乘諸經五十餘會修葺招提四  
十餘所永樂中移居祐國寺一時緇黃之士從  
者雲集後以疾而逝停龕三日飛烟環繞闍維  
之得舍利凝聚五色精 如珠觀者異之

許氏子居宣平坊靈寶家宰讚同宗也逸其名性  
好飲賭身多癩晝乞於市在卧東嶽廟廊廡



夕見二鬼掃地云八仙來拜餓而仙至如  
像嶽神盛饌出迎許氏子牽湘子衣湘子與書  
一卷後歸家書出直入擁呼如王者像父恠之  
且恐禍及用醇酒醉之以石擊死殮而塋棺出  
門漸輕開視之止存敝箒戴瓊帽覆白衣尸無  
存矣

雲居城北五里天王寺遊僧也周定王出獵僧坐  
不起王怒以鞭撻其面火出王異之歸設席差  
官在請僧云少候洗面卽行頃謂官曰爲我謝  
王我已赴席來矣官不信僧袖出一蒸食爲驗  
捐金廣其所居梵宇

祥符縣志 卷之五

三十一

祥符縣志 卷之五終



